



集千家註杜工部詩集卷之六

秦州見勅目

勅一作除

薛三璩授司議郎

畢四曜除監察與二子有故遠喜遷

官兼述索居三十韻

乾元二年秋秦州作

大雅何寥濶斯人尚典刑交期余潦倒材力

爾精靈二子陞同日諸生困一經文章開突

與遷擢潤朝廷舊好何由展新詩更憶聽別

來頭併白相見眼終青伊昔貧皆甚同憂歲

不寧棲遑分半菽浩蕩逐流萍俗態猶猜忌
 妖氛逐杳冥獨慚投漢閣俱議哭秦庭還蜀
 祇無補囚梁亦固扃華夷相混合宇宙一羶
 腥帝力收三統天威總四溟舊都俄望幸清
 廟肅惟馨雜種難高壘長驅甚建瓴焚香淑
 景殿漲水望雲亭法駕初還日羣公若會星
 宮臣仍點染柱史正零丁官忝趨棲鳳朝回
 歎聚螢傷舊日讀書之勤喚人看驥裏不嫁惜娉婷

兩句開合謂異巧相激自惜過時也掘劍知
 關世乃知其恨詩未易讀初看失之

埋獄提刀見發矧侏儒應共飽漁父忌偏醒
 旅泊窮清渭長吟望濁涇羽書還似急烽火
 未全停帥老資殘寇戎生及近垞忠臣辭憤
 激烈士涕飄零上將盈邊鄙元勳溢鼎銘仰
 思調玉燭誰定握青萍隴俗輕鸚鵡原情類
 鵲鴿秋風動關塞高臥想儀形洙曰嵇康絕
 交書潦倒處
疎夢弼曰諸生公自謂也文章開突與言其
 文章深邃也突烏弔切荀子突與之內突字

作突爾雅室西南隅謂之與東南隅謂之
突釋文音要洙曰劉孝標絕交論莫肯費其
半菽罕自落其一毛趙曰半菽字祖出項羽
傳歲饑人貧卒食半菽洙曰楊雄傳王莽誅
既豐連及楊雄時雄校書天祿閣上治獄使
者來雄恐不能自免乃從閣上投下幾死吳
入郢申包胥求救於秦秦兵未出包胥哭於
秦庭者七日勺水不入於口司馬相如蜀人
也後富貴還蜀梁孝王怒鄒陽下獄吏將殺
之陽從獄中上書王立出之夢弼曰還蜀囚
梁公自喻也時譎為華州司功夢符曰漢書
三統謂天統地統人統為夏商周之正三也
趙曰舊都指長安鶴曰漢書注引蔡邕云天
子車駕所至民臣以為為僥倖故曰幸洙曰漢
書羗胡雜種類不一也高帝紀地勢便利其
以下兵於諸侯警猶居高屋之土建瓴水也

建居偃切瓴盧經切夢弼曰長安志淑景殿
望雲亭皆在西內洙曰宮臣謂薛受司議郎
屬東宮柱史謂畢受監察御史漢宮儀侍御
史在周官為柱下史趙曰點染為文字也零
丁介獨之貌夢弼曰宮忝趨栖鳳公自叙曩
為拾遺在諫省時也晉車胤家貧夜囊螢火
以照書驥襄良馬也娉婷佳人皆公自喻
也洙曰晉張華見斗牛問有紫氣補雷煥為
豐城令掘獄基得雙劍莊子庖丁解牛十九
年而刀刃若新發於硎硎音刑砥石也漢東
方朔傳武帝令待詔公車俸祿薄朔給侏儒
曰上欲盡殺若曹侏儒號位頓首上知朔多
端召問朔何恐侏儒為朔對曰侏儒長三尺
餘俸一囊粟錢二百四十侏儒長九尺餘亦
一囊粟錢二百四十侏儒飽欲死臣朔饑欲
死上天大笑因使待詔金馬門遂稍稍得進用

馬屈原既放行吟澤畔漁父問曰子非三閭大夫歟何故至此屈原曰衆人皆醉我獨醒漁父曰何不哺其糟而啜其醢(夢弼曰後漢志隴西郡渭水所出東流長安今云旅泊窮清渭長吟望濁涇蓋公在秦州而憶長安也洙曰羽書者以鳥羽插檄書上馳告四方示其速疾也鼎銘者銘功於鍾鼎也爾雅曰四時調謂之王燭青萍劍名也禰衡鸚鵡賦命虞人於隴坻冠雲霓而張羅蓋鸚鵡乃隴右所出(夢弼曰鄭氏詩箋云鵲鴿水鳥而在高原失其常處則飛鳴求其類此公自况有望於薛畢二子也

寄彭州高三十五使君適虢州岑二十七長史參三十韻公自注時患瘧病(夢弼曰高適

由太子詹事出刺彭州岑參由補闕左遷虢州長史

故人何寂寞今我獨淒涼老去才難盡秋來

興甚長物情尤可見詞客未能忘物情往往見棄惟詞

客未忘耳海內知名士雲端各異方高岑殊

有味其言

緩步沈鮑得同行意愜關飛動篇終接混茫

即子美自道舉天悲富駭近代惜盧王似爾

可爲悟入官仍貴前賢命可傷其不足可見然少露上諸侯非棄擲半刺已翱翔詩好

也子美豪放磊落如此

幾時見書成無使將男兒行處是客子鬪身

強實語羈旅推賢聖沉綿抵咎殃三年猶瘡疾

一鬼不銷亡隔日搜脂髓增寒抱雪霜徒然

潛隙地有醜屢鮮粧何大龍鍾極于今出處

妨無錢居帝里盡室在邊疆劉表雖遺恨龐

公至死藏心微傍魚鳥即小心也肉瘦怯豺

狼隴草蕭蕭白洮雲片片黃彭門劔閣外號

略鼎湖傍荆玉簪頭冷巴牋染翰光烏麻蒸

續曬丹橘露應嘗豈異神僊宅俱兼山水鄉

竹齋燒藥竈花嶼讀書牀更得清新否遙知

對屬忙舊官寧改漢淳俗本歸唐濟世宜公

等安貧亦士常蚩尤終戮辱胡羯漫猖狂會

待祆氛靜論文暫裹糧夢弼曰晉江淹嘗夢

美句人謂才盡朱曰潘安仁有秋興賦沈鮑

謂沈約鮑照也趙曰沈佺期祭文思含飛動

才冠卿雲夢弼曰富嘉謨駱賓王盧照鄰王

書別駕任居刺史之半諸侯謂適也半刺謂

何

昔顓帝有二子生而亡去為鬼一居江水為瘡鬼洙曰俗言辟瘡鬼必伏於幽隙之地不爾即畫易容貌趙與時賓退錄云世人瘡疾將作謂可避之他所間巷不經之說也然自唐已然高力士流巫州李輔國授謫時力一方逃瘡功臣閣下杜子美詩三年猶瘡疾一鬼不銷亡隔日搜脂髓增寒抱雪霜徒然替隙地有醜屢鮮粧則不特避之而復塗抹其面矣蒼舒曰按廣韻龍鍾竹名世言龍鍾謂其年老如竹之枝葉搖拽不能自禁持取此義趙曰後漢龐公居峴山之南未嘗入城府荆州刺史劉表數延請不能屈竟隱於鹿門山不返魯曰嵇康遊山澤觀魚鳥而心甚樂之夢弼曰隴草洮雲公言其客居之景物也彭門劔閣俱在蜀左傳西盡號略卽號州而號之湖城縣有鼎湖此言高岑二子居官

之地也洙曰荆玉出號巴牋蜀牋也夢弼曰陶隱居本草云胡麻當九蒸九曝熬搗充餌注胡麻鳥者良今言烏麻丹橘亦彭號二州所出也後漢岑彭傳彭惡所營地名彭亡欲徙之今云舊官寧改漢或用此師曰號本晉地詩晉國風此晉也而謂之唐本其風俗憂深思遠儉而用禮乃有堯之遺風焉洙曰史記黃帝擒殺蚩尤胡羯指安史也葛常之詩話云詩人讚美同志詩篇之善多此珠璣璧玉錦繡花草之類至杜子美則豈肯作此陳腐語耶如寄岑參云意愜關飛動篇終接混茫夜聽許十誦詩云精微穿溟溟飛動摧霹靂贈盧瑀云藻翰惟牽率湖山合動搖贈陳諫議云毫髮無遺恨波瀾獨老成寄李白云筆落驚風雨詩成泣鬼神贈高適云美名人不及佳句法如何視餘子其神芝之與腐菌

哉

○寄李十二白二十韻

古今詩話云老杜贈太白二十

韻備叙白事盡得其故迹矣

昔年有狂客號爾謫僊人筆落驚風雨詩成

泣鬼神

彼此客稱○自喻適意而太白足以當之

聲名從此大汨

沒一朝伸文彩承殊渥流傳必絕倫龍舟移

棹晚獸錦奪袍新白日來深殿青雲滿後塵

乞歸優詔許遇我宿心親未負幽棲志兼全

寵辱身劇談憐野逸嗜酒見天真醉舞梁園

夜行歌泗水春才高心不展道屈善無鄰

十字

可誦善無鄰最切當

處士禰衡俊諸生原憲貧稻梁求

未足惹苴謗何頻五嶺炎蒸地三危放逐臣

幾年遭鵬鳥獨泣向麒麟

此用夫子事注亦未喻

蘇武

先還漢黃公豈事秦楚筵辭醴日

看他用意

梁

獄上書辰巳用當時法誰將此義陳老吟秋

月下病起暮江濱莫怪恩波隔乘槎與問津

珠曰賀知章號四明狂客見太白文章歎曰
 子謫仙人也言於玄宗召見金鑾殿奏頌一
 篇有詔供奉翰林趙曰太白墓碑云玄宗泛
 白蓮池召白作序時白被酒命高力士扶以
 登舟夢弼曰白外傳云白作樂章賜錦袍今
 云獸錦蓋錦織成獸文也奪字如宋之問傳
 武后遊龍門詔從臣賦詩東方朔詩先成后
 賜錦袍之問俄頃獻后覽之嗟賞更奪袍以
 賜珠曰白為高力士所潛自不知不為親近所
 容懇求還山帝賜金放還夢弼曰按公傳嘗
 從白及高適過汴州酒酣登吹臺慷慨懷古
 太白集有梁園醉歌汴州即梁園故地謝惠
 連雪賦梁王不悅遊於兔園是也又公與太
 白嘗同遊山東故云行歌泗水春珠曰後漢
 二彌衡字正平孔融上疏薦之曰處士彌衡年
 二十四英才卓礫莊子原憲曰憲貧也非病

也夢弼曰後漢馬援征交趾載薏苡種還人
 謗之以為明珠大貝此以喻白之遇讒永王
 璘反謂白為參屬與謀也希曰大吏始安臨
 賀持陽揭陽為五嶺書注三危與夜郎鄰境也
 王璘之累流夜郎五嶺三危與夜郎鄰境也
 珠曰賈誼為長沙王傳不得志有鵬飛入誼
 舍自傷以為壽不能長乃為賦以自廣趙曰
 孔子見麟而泣曰出非其時吾道窮矣蘇武
 在匈奴十九年而還黃公乃四皓避秦居商
 山申公見楚元王不設醴酒而辭行鄒陽見
 怒於梁王下獄遂從獄中上書此皆以比白
 之不從永王璘而璘本待白之薄當時不見
 察已施之於法誰
 能為陳此義也

寄岳州賈司馬六丈巴州嚴八使君

兩閣老五十韻

鶴曰賈至由中書舍人出守汝州坐小法

貶岳州司馬嚴武由給事中拜京兆尹坐瑄事貶巴州刺史公嘗為左拾遺兩省相呼為閣老也

衡岳啼猿裏巴州鳥道邊故人俱不利謫宦
兩油然開闢乾坤正榮枯雨露偏長沙才子
遠釣瀨客星懸憶昨趨行殿殷憂捧御筵討
胡愁李廣奉使待張騫無復雲臺仗虛修水
戰船蒼茫城七十流落劔三千畫角吹秦晉

畫角吹秦晉
奇怪不恨

旄頭俯澗灑小儒輕董卓有識

笑符堅

其用事如此

浪作禽填海那將血射天萬

方思助順一鼓氣無前陰散陳倉北晴熏太

白巔亂麻屍積衛破竹勢臨燕法駕還雙闕

王師下八川此時霑奉引佳氣拂周旋

描摸老成

○亂來讀此
字哀痛來生

十貌虎聞金甲麒麟受玉鞭侍

臣諳入仗廐馬解登僊

淺事不俗
俗意不理

花動朱樓

雲城凝碧樹煙衣冠心慘愴故老淚潺湲哭

廟悲風急朝正霽景鮮月分梁漢米春給水
衡錢內藥繁於纈宮花軟勝綿恩榮同拜手
出入最隨肩晚著華堂醉寒重繡被眠轡齊
兼秉燭書在滿懷牋纔復京便有此樂是此
時殘破巡幸尚自庶幾
每覺昇元輔深期列大賢秉鈞方咫尺鍛翮
再聯翮禁掖朋從改微班性命全青蒲甘受
戮白髮竟誰憐弟子貧原憲諸生老伏虔師
資謙未達鄉黨敬何先舊好腸堪斷新愁眼

欲穿翠乾危棧竹紅膩小湖蓮

此紅翠在新
舊下別是婁

斷賈筆論孤憤嚴君賦幾篇定知深意苦莫

使衆人傳貝錦無停織朱絲有斷絃浦鷗防

碎首霜鶻不空拳

寓言

地僻昏炎瘴山稠隘石

泉且將棋度日應用酒爲年

甚言避禍
之道可念

典郡

終微眇治中實棄捐安排求傲吏比興展歸

田

此展字
屬治中

去去才難得蒼蒼理又玄古人稱

逝矣吾道未終焉

三見焉字
惟此可耳

隴外翻投迹漁

陽復控弦笑為妻子累甘與歲時遷親故行
 稀少兵戈動接聯他鄉饒夢寐失侶自迤邐
 多病加淹泊長吟阻靜便如公盡雄俊志在
 必騰騫泊語如此使人意盡○趙曰南中志
 之道耳洙曰漢賈誼洛陽人披羊裘釣澤中光
 沙王太傅嚴子陵變名姓披羊裘釣澤中光
 武徵之因共偃臥子陵以足加帝腹上太史
 奏客星犯帝座除為諫議不屈後人名其釣
 處為嚴陵瀨夢弼曰憶昨趨行殿公自叙謁
 肅宗於行在也趙曰無復雲臺仗言當時行
 宮草創不復嚴整法仗也庾信哀江南賦猶
 有雲臺之仗洙曰漢酈食其馮軾下齊七十

餘城莊子趙文王喜劔士夾門而客三千
 餘人夢弼曰蒼茫城七十謂祿山反河北十
 餘郡皆棄城而走也劔指蜀之劔閣言玄宗
 幸蜀流落有三千里之遠近秦晉之間皆吹
 畫角聲以節用兵也澗瀝之水隱映胡星言
 東都為賊所陷也前漢志昂為旄頭胡星也
 洙曰漢董卓傳卓廢立凶暴無道忍性矯情
 擢用羣士以韓馥等為刺史馥等到官各與
 義兵同盟討卓秦符堅違眾伐晉遂至破敗
 撫畜鮮卑符融諫不聽後為鮮卑所亡夢弼
 曰董卓符堅以喻思明祿山之必亡也洙曰
 山海經赤帝之女嬉遊東海溺而死不返化
 為冤禽名曰精衛常取西山木石以填東海
 商本紀帝武乙無道為偶人謂之天神與之
 搏令人為行天神不勝乃僂辱之為革囊盛
 血仰而射之命曰射天趙曰此皆言安史之

安帝少女名女
 姓游步海泊而
 不返化而為鳥
 名曰精衛常與
 搏令人為行天

不知量也晏曰左傳曹劇曰夫戰氣也一鼓
 作氣再而哀三而竭夢弼曰陳倉大白俱在
 鳳翔此言肅宗時駐蹕鳳翔也按志鳳翔府
 寶雞縣又更名陳倉縣縣有寶雞山按列異
 傳秦穆公時陳倉人掘地得物以獻諸公道
 名二童子童子曰此名為媪媪復曰彼二童
 名為陳寶得雄者王得雌者霸陳倉人捨媪
 逐二童子童子化為雉飛入平林陳倉人告
 穆公穆公發徒大獵果得其雉又化為石置
 之汧渭之間至文公為立祠名陳寶祠又按
 志鳳翔之郿縣有太白山按水經注山上夏
 宿雪故名錄異記金星之精下墜化為白石
 狀如美玉故名洙曰衛河北也燕范陽也時
 祿山反於范陽陷河北諸郡漢書死如亂
 麻晉杜預傳今兵威已振勢如破竹數節之
 後皆迎刃而解關中記關內八水王師下八

川謂長安收復矣趙曰時公為左拾遺扈從
 還京洙曰光武紀望氣者見春陵郭喆曰氣
 佳哉鬱鬱葱蔥夢弼曰職儀云黃帝駕乘黃
 而仙去後因以名廐王隱晉書宣帝內廐馬
 一曰風靜天霽有羽鶴飛至廐化為青衣童
 子騎二大馬乘空而去梁漢米謂梁漢所貢
 賦之米水衡掌山澤之賦謝承後漢書章帝
 分梁漢儲米給民又宣帝本始二年春以水
 衡錢為平陵徙民起第宅注云水衡與少府
 皆天子私藏也魯曰內蔡宮花也洙曰顏延
 年詩驚翻有時鍛注鍛殘也所介切夢弼曰
 漢元帝寢疾史丹直入臥內頓首伏青蒲上
 以諫注以蒲青為席用蔽地也時公任拾遺
 故云前漢儒林傳伏生年九十餘以書教于
 齊魯洙曰詩成是貝錦牋云喻讒人集作已
 過以成於罪猶女工之集采色以成錦文趙

曰鵑鷹屬也謂兩閣老如浦鷗讒言如霜鵑
鵑不空拳則鷗有碎首之防矣宋曰晉職官
志州置別駕治中從事趙曰治讀作平聲宋
曰謝靈運詩居常以待終處順故安排安功
曰郭景純詩漆園有傲吏注莊子嘗為漆園
吏楚威王聘之欲以為相謂使者亟去無汗
我故曰傲吏夢弼曰時史思
明復作亂於漁陽乃薊州也

寄張十二山人彪三十韻

獨臥高陽客三違潁水春艱難隨老母慘澹
向時人謝氏尋山屐陶公漉酒巾羣兇彌宇
宙此物在風塵歷下辭姜被關西得孟鄰早

通交契密晚接道流新靜者心多妙先生藝
絕倫草書何太古詩興不無神曹植休前輩
張芝更後身數篇吟可老一字買堪貧將恐
曾防寇深潛託所親寧聞倚門夕盡力潔食
晨踈懶為名誤驅馳喪我真索居猶寂寞相
遇益愁辛流轉依邊徼逢迎念席珍時來故
舊少亂後別離頻世祖修高廟文公賞從臣
商山猶入楚渭水不離秦存想青龍祕騎行

白鹿馴耕岳非谷口結草即河濱肘後符應
 驗囊中藥未陳旅懷殊不愜良覲眇無因自
 古皆悲恨浮生有屈伸此邦今尚武何處且
 依仁鼓角凌天籟關山倚月輪官場羅鎮磧
 賊火近洮岷蕭瑟論兵地蒼茫鬪將辰大軍
 多處所餘孽尚紛綸高興知籠鳥斯文起獲
 麟窮秋正搖落迴首望松筠鶴曰嵩陽潁水皆在河南洮曰山則去後齒陶淵明酒熟取頭上葛中漉酒

明皇幸華清
 帝長枕大被
 諸室寢其
 冒

畢還復着之黃曰此物指彪也夢弼曰歷下關西公言昔與彪相聚之地趙曰後漢姜肱有兄弟四人居貧作一布被而共之洙曰列女傳孟子之母凡三徙而舍學宮之旁孟子嬉戲於是為俎豆揖讓進退孟子母曰真可以居吾子矣夢弼曰魏曹植字子建能詩漢張芝字伯英好草書洙曰薛包事母至孝凡出入必有時未嘗違也至期母必倚門望之包必至矣東廣微補亡南咳詩馨爾夕膳潔爾晨食邊徼邊境也禮記儒有席上之珍以待聘後漢志光武立高廟于洛陽四時禘祀高帝為太祖一歲五祀夢弼曰此喻肅宗重建七廟也洙曰左傳晉侯賞從亡者介之推不言祿祿亦不及青龍乃道家存想之術周真義入龍嶠山見羨門子乘白鹿而行揚子谷口鄭子真耕于岳石之下漢文帝時河上公

結草為菴于河濱讀老子帝駕往詣之晉葛洪有肘後方數卷趙曰四鎮皆置官場收賦歛以供軍須也鶴曰鎮積如北庭都護府有神仙鎮及有小積是也夢弼曰洮岷言臨洮岷山也彦輔曰潘岳秋興賦猶池魚籠鳥而有江湖山數之思夢弼曰孔子春秋起於獲麟葛常之韻語陽秋曰子美詩以後二句續前二句處甚多如寄張山人詩曹植休前輩張芝更後身數篇吟可老一字買堪貧喜杜觀到詩云待爾嗔烏鵲拋書示鵲引子鳴鶴不去原上急曾經晴詩云啼烏爭引子鳴鶴不歸林下食遭泥去高飛恨久陰臥病詩云滑憶彫菰飯香聞錦帶羹溜匙兼暖腹誰欲致杯鬕如此之類多矣此格起於謝靈運廬陵王之墓下詩云延州協心許楚老惜蘭芳解劍竟何及撫墳徒自傷李太白亦時有此

格毛遂不墮井曾參寧殺人虛言誤公子投杼感慈親是也
前出塞九首鶴曰前後出塞詩乃乾元時公在秦州思天寶

間事而作

戚戚去故里悠悠赴交河公家有程期亡命

嬰禍羅君已富土境開邊一何多棄絕父母

恩吞聲行負戈修可曰按唐西州交河在伊州西七百里河水分流繞城

下因以名之劉曰漢書竇榮亡命山林顏注云命名也謂脫其名籍而逃亡也

出門日已遠不受徒旅欺如親歷甘苦○極征行孤往之意人

所不能自道詩必如此序骨肉恩豈斷男兒

情閑勞之際其庶幾乎

死無時走馬脫轡頭手中挑青絲捷下萬仞

岡俯身試搴旗賦至此極可壯可傷。洙曰

玉韃又宛轉青絲鞵曹子建詩仰手接飛猱

俯身散馬蹄左大冲賦振身千仞岡又云斬

將塞磨刀嗚咽水水赤刃傷手欲輕腸斷聲心緒

錯已久又緩丈夫誓許國憤惋復何有功名

圖麒麟戰骨當速朽夢弼曰三秦記隴山天

水漢武帝獲白麟作麒麟閣以繪功臣像

流水嗚聲幽咽遙望秦川肝腸斷絕故名嗚

咽水漢武帝獲白麟作麒麟閣以繪功臣像

送徒既有長遠戍亦有身生死向前去不勞

吏怒嗔即不受徒旅路逢相識人附書與六

親哀哉兩决絕不復同苦辛洙曰送徒字如

縣送徒驪迢迢萬里餘領我赴三軍軍中異苦樂主將

寧盡聞眼前語意中事通透自別○隔河見

胡騎倏忽數百羣我始為奴僕幾時樹功勳

亦極哀怨之體所以可傳

挽弓當挽彊用箭當用長射人先射馬擒賊

先擒王作用諺語或自諺語皆是殺人亦有限立國自有

疆苟能制侵陵豈在多殺傷此其自負經濟者軍中常有此

驅馬天雨雪軍行入高山逕危抱寒石指落

曾冰間已去漢月遠何時築城還浮雲暮南

征可望不可攀作者緩急自合○修可曰漢書高祖將兵擊匈奴會冬雨

雪士卒墮指者十二三

單于寇我壘百里風塵昏雄劔四五動彼軍

為我奔虜其名王歸繫頸授轅門千載不死墮淚未乾

潛身備行列一勝何足論修可曰列士傳眉

鄒之子楚王夫人常於夏納涼而抱鐵柱心

有所感遂懷孕後產一鐵楚王命鎡鎡鑄為

雙劔一雌一雄鎡鄒乃留雄而以雌進楚王

劍在匣中常悲鳴楚王問羣臣對曰劔有雌

雄鳴者雌憶其雄也王大怒收鎡鎡殺之眉

間尺乃為其父殺楚王黃曰越絕書曰楚王

作鐵劔二枚晉鄭聞而求之不得興師圍楚

之城三年不解楚引大阿之劔登城而麾之

三軍破敗士卒迷惑流血千里修可曰漢書
霍去病衛青擊匈奴虜名王貴人以百數唐
曰漢紀注名王謂有大名以別諸小王也韓
曰周禮設車宮轅門注云次車以為藩則仰
轅表門

從軍十年餘能無分寸功衆人貴苟得欲語

羞雷同乃併與軍中妬忌之中原有鬪爭況

在狄與戎謂爭功者丈夫四方志安可辭固窮

後出塞五首

男兒生世間及壯當封侯戰伐有功業焉能

守舊丘召募赴薊門軍動不可留千金買馬

鞍百金裝刀頭閭里送我行親戚擁道周班

白居易列酒酣進庶羞少年别有贈含笑看

吳鈞呂曰召募字出吳志中郎將周祗乞於

募也趙曰詩生于道周周曲也修可曰吳王

闔閭命國中作金鈞令曰善者賞之百金有

貪王之重賞者殺其二子以血統金遂成二

鈞獻而求賞王曰為鈞者衆子獨求賞何以

異作鈞者曰吾之作鈞也殺二子統成二鈞

於是向鈞而嘯二子之名曰我在此王不知

女之神也聲絕於口兩鈞俱飛著父之胸王

大驚曰寡人誠負於子乃賞百金遂服而不

離身見吳

越春秋

入

六

朝進東門營暮上河陽橋落日照大旗馬鳴

風蕭蕭

復欲一語似此殆千古不可得其時

平沙列萬幕部伍各見招中天懸

明月令嚴夜寂寥悲笳數聲動壯士慘不驕

借問大將誰恐是霍嫖姚

此詩之妙可以招魂復起○夢弼曰

東門洛都之門也鄭曰河陽洛邑也宋曰詩

蕭蕭馬鳴悠悠旆旌毛傳云言不謹諱也荆

軻歌風蕭蕭兮易水寒趙曰士卒之多則將

各有幕故一部伍之人至日暮各相招詔

以居其幕也茗溪胡仔曰後出塞詩云借問

大將誰恐是霍嫖姚陪柏中丞觀宴將王詩

云漢朝頻選將應拜霍嫖姚按漢書霍去病

為嫖姚校尉服虔曰音飄搖師古曰嫖顏妙

反姚羊召反嫖姚勁疾之貌也又按荀悅漢

紀作票鷄字云今讀者為飄遙不當其義余

謂子美以平聲用此兩字蓋取服虔音耳王

荆公嘗有詩云莫教空說霍嫖姚亦承襲子

古人重守邊今人重高勲

此義亦人所未及

豈知英

雄主出師亘長雲六合已一家四夷且孤軍

遂使貔虎士奮身勇所聞拔劍擊大荒日收

越... 二... 北

胡馬羣誓開玄冥北持以奉吾君

獻凱日繼踵兩蕃靜無虞漁陽豪俠地擊鼓

吹笙等雲帆轉遼海粳稻來東吳越羅與楚

練照耀輿臺軀主將位益崇氣驕凌上都邊

人不敢議議者死通衢希曰兩蕃謂吐蕃與

也洙曰左太冲詩南鄰擊鍾磬北里吹笙竽

左傳皂臣輿與臣隸隸臣僚僚臣僕僕臣臺

我本良家子出師亦多門將驕益愁思身貴

師曰主將謂祿山也祿山兵還玄宗御承天門率百官迓之賞賚無貲

不足論解事躍馬二十年恐辜明主恩坐見

幽州騎長驅河洛昏中夜間道歸故里但空

村惡名幸脫免窮老無兒孫寫至退軍人則

漢趙充國以六郡良家子善騎射補羽林余

曰左傳晉政多門洙曰時祿山自幽州起兵

陷河洛希曰漢高紀從間道走歸師古曰間

空也投空隙而行不公顯也東坡志林詳味

此詩蓋祿山反時其將校有脫身歸國而

祿山盡殺其妻子者不知其姓名可恨也

示姪佐公自注佐草堂在東柯谷鶴

參蘇本中侍御史曄之子

上集卷一

多病秋風落君來慰眼前自聞茅屋趣只想

竹林眠滿谷山雲起侵籬澗水懸嗣宗諸子

姪早覺仲容賢師曰七月秋風起八月風高九月風落

容任達不拘與叔父籍為竹林之遊

佐還山後寄三首

山晚黃雲合歸時恐路迷澗寒人欲到林黑

鳥應棲野客茅茨小田家樹木低舊諳踈嬾

叔須汝故相攜趙曰嵇康絕交書性復踈嬾

白露黃梁熟分張素有期已應春得細頗覺
寄來遲味豈同金菊香宜配綠葵老人他日
愛正想滑流匙

幾道泉澆圃交橫落幔坡葳蕤秋葉少隱映
野雲多隔沼連香芰通林帶女蘿甚聞霜薤
白重惠意如何洙曰分引泉水以灌園故交橫而落幔坡言坡中青翠如

也幔

宿贊公房公自注贊京師大雲寺主

瑄遊從瑄既得罪贊
公亦被謫於秦州也

杖錫何來此秋風已颯然雨荒深院菊霜倒
半池蓮放逐寧違性虛空不離禪相逢成夜
宿隴月向人圓

遣懷

愁眼看霜露寒城菊自花天風隨斷柳客淚
墮清笳水淨樓陰直寫景貴得自然山昏塞日斜夜
來歸鳥盡啼殺後棲鷗葛常之韻語陽秋曰老杜寄身於兵戈騷

屑之中感時對物則悲傷係之如感時花滅
淚是也故作詩多用一自字田父泥飲詩云
步屨隨春風村村自花柳遣興詩云愁眼看
霜露寒城菊自花憶弟詩云故園花自發春
日鳥還飛日暮詩云風月自清夜江山非故
園滕王亭子詩云古壻猶竹色虛閣自松聲
言人情對景自有悲喜而
初不能累無情之物也

廢畦

秋蔬擁霜露豈敢惜凋殘暮景數枝葉天風
吹汝寒綠霑泥滓盡香與歲時闌生意春如
昨悲君白玉盤

除架

瓜架也

束薪已零落瓠葉轉蕭疎幸結白花了寧辭
青蔓除秋蟲聲不去暮雀意如何寒事今牢
落人生亦有初

○西枝村尋置草堂地夜宿贊公土室

二首

鶴曰西枝村在秦近郭有巖竇之勝杉漆之利贊常稱之公自

華至秦意欲居之故尋置草堂地焉

出郭眄細岑披榛得微路溪行一流水

細字一字

皆可

曲折方屢渡贊公湯休徒好靜心迹素

昨枉霞上作盛論巖中趣怡然共攜手恣意

同遠步捫蘿澁先登陟巘眩反顧要求陽岡

暖苦陟陰嶺洵惆悵老大藤

與細字一字相似

沉吟

屈蟠樹上居意未展杖策迴且暮層巔餘落

日草蔓已多露

洙曰趙景真書涉澤求蹊披榛覓路夢淵曰湯休乃僧惠

休也姓湯能詩故公以此贊公也贊嘗以詩約公為鄰居盛稱巖中之景公謂其才思挺

出煙霞之外故云霞上作也師曰山南曰陽山北曰陰山南向陽故暖山北背陽故洵寒

也

天寒鳥已歸月出山更靜自然境土室延白

光松門耿踈影躋攀倦日短語樂寄夜永明

然林中薪暗汲石底井大師京國舊德業天

機秉從來支許遊興趣江湖迥數竒謫關塞

道廣存箕穎何知戎馬間復接塵事屏幽尋

豈一路遠色有諸嶺晨光稍矇矓更越西南

頂夢弼曰大師指贊公也京國舊謂是京師

谷曰漢書李廣數竒師古以為命隻不耦合則數乃命數之數非疏數之數也因此詩注仍舊音故辨之

絲麻如寄贊上人

一昨陪錫杖十鄰南山幽年侵腰脚衰未便

陰崖秋重岡北面起竟日陽光留茅屋買兼

土斯焉心所求近聞西枝西有谷杉漆稠亭

午頗和暖石田又足收當期塞雨乾宿昔齒

疾瘳徘徊虎穴上面勢龍泓頭柴荆具茶茗

跳脫之極
聽之悚然

徑路通林丘與子成二老來往亦風流
太平寺泉眼
招提憑高岡踈散連草莽出泉枯柳根汲引
歲月古石間見海眼天畔縈水府廣深丈尺
間宴息敢輕侮青白二小蛇幽姿可時覩如
絲氣或土爛熳為雲雨山頭到山下鑿井不
盡土取供十方僧香美勝牛乳北風起寒文
弱藻舒翠縷明涵客衣淨細蕩林影趣何當

宅下流餘潤通藥圃三春濕黃精一食生毛

羽。夢弼曰增輝記招提者梵言拓闢提奢唐

言四方僧物後人傳寫之誤以拓為招又

省去闢奢二字止稱招提今十方寺院是也

廣雅黃精龍銜草也本草黃精久服輕身延年

意

○空囊鶴曰空囊詩所賦即史稱公去

翠柏苦猶食明霞高可餐世人共鹵茶吾道
屬艱難不爨井晨凍無衣牀夜寒囊空恐羞

信

澁留得一錢看

修可曰列仙傳仙人偓佺食松柏之實趙曰楚辭漱正陽

而餐朝霞注陵陽子明經云春食朝霞者日始出赤氣也後漢趙壹云文籍雖滿腹不如

一囊錢希曰梁武帝評羊欣書似婢作夫人舉止羞澁

病馬

乘爾亦已久天寒關塞深塵中老盡力歲晚

病傷心毛骨豈殊衆馴良猶至今物微意不

淺感動一沉吟

趙曰此暗使田子方事田子方出見老馬於野喟然問於

御者曰此何馬也對曰故公家畜也罷而不

棄其身仁者之所不為也命束帛贖之

送人從軍

公自注時有吐蕃之役

弱水應無地陽關已近天今君渡沙磧累月

斷人煙好武寧論命封侯不計年

意氣浩然可以勸忠

非淺淺者馬寒防失道雪沒錦鞍韉

鶴曰禹貢導弱水至

于合黎而唐志合黎山在甘州弱水則柳子厚所謂西海之山有水敗渙無力不能負芥

者陽關唐志云在沙州二地乃備吐蕃之所也沙磧自是兩名禹貢弱水餘波入于流沙

楚辭西方之害流沙千里注沙流而行言西

嘉新

千里磧則如西州有磧石磧
北庭都護府有小磧是也

送靈州李判官

羯胡腥四海回首一茫茫
血戰乾坤赤氛迷
日月黃時軍專策略幕府盛才良
近賀中興主神兵動朔方

送遠

帶甲滿天地胡爲君遠行
親朋盡一哭鞍馬去邊城
如畫出塞圖矣草木歲月晚
關河霜雪清別

離已近日因見古人情

兩語兩意別離則昨日矣
往往古人亦如

我也自怪其情之悲也

別贊上人

百川日東流客去亦不息
我生苦漂蕩何時有終極
贊公釋門老放逐來上國
還爲世塵嬰頗帶憔悴色
楊柳晨在手豆子雨已熟
是身如浮雲安可限南北
異縣逢舊友初欣寫胸臆
天長關塞寒歲暮饑凍逼
野風吹征衣

欲別向曛黑馬嘶思故櫪歸鳥盡歛翼古來

聚散地宿昔長荆棘相看俱衰年出處各勞

力（定功曰釋氏書手把青楊枝徧灑甘露之

來秦州而忽見豆熟之際矣（夢弼曰雨或作

兩豆子兩已熟言來秦州已經兩年矣（蘇曰

崔玄見習鑿齒曰豆子熟矣張巨曰豆子眼

中黑精也言無邪視也（阮宏休詩總曰東坡

送小本禪師赴法雲云是身如浮雲安可限

南北此二句乃老杜別贊上人詩中全語豈

偶然用之耶

兩當縣吳十侍御江上宅（俯曰按地理志鳳州

兩當縣以大散關與嘉陵地勢險隘相當故名鶴曰趙清獻公自成都被

召還朝宿兩當縣廣鄉驛有詩云被詔趨都景物踈兩當中夜宿中途注

云圖經云東京西蜀至此道里均焉故縣名兩當

寒城朝煙淡五字妙在目前○世間山谷落

葉赤陰風千里來吹汝江上宅鷓鴣雞號枉渚

日色傷阡陌兩語復稱借問持斧翁幾年長沙客

哀哀失木狃矯矯避弓翮亦知故鄉樂未敢

思宿昔昔在鳳翔都共通金閨籍天子猶蒙

塵東郊暗長戟兵家忌間諜此輩常接跡臺
 中領舉劾君必慎剖析不忍殺無辜所以分
 黑白上官權許與失意見遷斥仲尼甘旅人
 向子識損益朝廷非不知閉口休歎息余時
 忝諍臣丹陛實咫尺相看受狼狽至死難寒
 責行邁心多違出門無與適於公負明義惆

悵頭更白

子美心事如此固宜一出言而傳不朽非徒言也○沈曰相如上林

賦亂鷓鴣雞注云鷓鴣雞似鶴黃白色敏功曰陸雲詩通波激在渚注云在渚曲渚也夢弼曰

指吳侍御也前漢暴勝之為直指使者衣繡衣持斧逐捕羣盜長沙郡潭州也洙曰西都賦遠狃失木狃余救切趙曰淮南子鴈銜蘆而翔以避弋繳以比吳之失所也夢弼曰鳳翔府至德二載號西京寶應元年號西都金閨金馬門也公與吳侍御昔同在鳳翔各居諫官之職故云共通籍也洙曰書東郊不開夢弼曰間諜軍中反間也洙曰王弼曰仲尼旅師曰上官言宰相也洙曰王弼曰仲尼旅人也修可曰後漢向子平潛隱於家讀易至損益卦喟然漢曰吾知富不如貧貴不如賤未之死何如生耳師曰公言往時為拾遺見吳詩意吳侍御遷謫之因為辨論良民不是姦細以此忤權貴而得罪耳

發秦州

趙叟曰日在房公起秦亭十月

谷登劍門其在同谷茅茨蓋不盈月

耳崔德符曰兩紀行時發秦州至鳳

凰臺發同谷縣至成都二十四首詩

皆以紀行爲先後無復差舛昔韓子

蒼嘗論此詩筆力變化當與太史公

諸贊方駕學者宜常諷誦之朱文公

語錄杜詩初年甚精細晚年曠逸不

可當如自秦川入蜀諸詩分明如畫

乃其少作也鶴曰按九域志秦州西

南至成州二百六十五里同谷其附

邑也○乾元二年冬自秦州

如同谷至成都紀行所作

我衰更懶拙生意不自謀無食問樂土無衣

思南州漢源十月交天氣涼如秋草木未黃

落况聞山水幽栗亭名更佳下有良田疇充

腸多薯蕷崖蜜亦易求密竹復冬筴清池可

方舟雖傷旅寓遠庶遂平生遊此邦俯要衝

實恐人事稠應接非本性登臨未銷憂谿谷

無異石塞田始微收豈復慰老夫惘然難久

留日色隱孤戍烏啼滿城頭中宵驅車去飲

馬寒塘流磊落星月高蒼茫雲霧浮大哉乾

坤內吾道長悠悠

師曰同谷在京之南時不

楚辭嘉南州之炎德今言無衣而思南州以

南州之氣暖故也鮑曰漢源成州屬縣夢弼

曰成州有栗亭川魏置栗亭縣在唐為栗亭

館希曰崔蜜乃蜂於崖石上所

所產也趙曰方舟並兩船也洙

曰王粲登樓賦聊暇日以消憂

境公初自華之秦州時亦有赤

○赤谷

鶴曰赤谷有亭當是在秦州近

谷西

庵詩

天寒霜雪繁遊子有所之豈但歲月暮重來

未有期晨發赤谷亭險艱方自茲亂石無改

徹我車已載腊山深苦多風落日童穉饑悄

然村墟迫煙火何由追貧病轉零落故鄉不

可思常恐死道路永為高人嗤

夢弼曰按地

城縣有大隴山亦曰隴首三秦記云其坂九

回上者七日乃越又云上有清水四注而下

俗歌曰隴頭流水鳴聲幽咽遙見秦川肝腸

斷絕按公集前有赤谷西嶮詩云躋險不自

鐵堂峽

山風吹遊子縹緲乘險絕硤形藏堂隍壁色

上集卷一

七

田

立積鐵徑摩穹蒼蟠石與厚地裂修織無限
竹嵌空太始雪威遲哀壑底徒旅慘不悅水
寒長冰橫我馬骨正折生涯抵弧矢盜賊殊
未滅飄蓬踰三年迴首肝肺熱立之曰破形
臺如堂隍破藏于兩山之間也夢弼曰嵌空
太始雪謂破中常有雪自鑿開混沌以來其
雪未消也趙曰抵者逢抵之
抵抵弧矢則遭用兵之時也崖聖曰秦州
鹽井鶴曰食貨志唐有鹽井六百四
成州成州 韶山韶山 韶山韶山 韶山韶山

鹵中草木白青者官鹽煙官作既有程煮鹽

煙在川汲井歲搨搨出車日連連自公斗三

百轉致斛六千君子慎止足小人苦喧闐我

何良歎嗟物理固自然夢弼曰鹵說文鹹地

謂之鹵草木白言生鹽花也修可曰許慎說

文曰鹵鹽池也漢書宣帝常困於蓮勺鹵中

注蓮勺縣有鹽池廣十數里其鄉人名鹵中

夢弼曰搨戶骨切用力貌字從木非莊子子

貢見漢陰丈人方將為圃畦鑿隧而入井抱

甕而出灌搨搨然用力甚多而見功寡洙曰

莊子則仁義又奚連連如膠漆纏索夢弼曰

止集卷一

三

劉

倍獲其利也利也寒峽寒峽

行邁日悄悄山谷勢多端雲門轉絕岸積阻

霾天寒寒硤不可度我實衣裳單况當仲冬

交泝泐增波瀾野人尋煙語行子傍水餐此

生免荷及未敢辭路難怨傷中厚得詩人之

上為霾夢弼曰及庸朱切古今注戟之遺象也詩荷戈與及

函中草法鏡寺公十二

身危適他州勉强終勞苦神傷山行深愁破

崖寺古嬋娟碧鮮淨蕭撼寒籜聚洄洄山根

水冉冉松上雨洩雲蒙清晨謂泉行高山下如雨冷氣四散

為雲也初日翳復吐朱薨半光烟戶牖粲可數

拄策忘前期出蘿已亭午冥冥子規叫微徑

不復取語自老意○朱曰左太冲吳都賦其

郊有三嬋娟詩謂竹嬋娟月嬋娟人嬋娟也鄭曰城子六切又所隔切田曰洩與泄同泄

猶出也洩曰公在道中是仲冬之交而聞子規蓋入南州地氣之暖故也

五

青陽峽

南嶺中長外之文

塞外苦厭山南行道彌惡岡巒相經亘雲水

氣參錯林迥硤角來天窄壁面削磈西五里

石奮怒向我落仰看日車側俯恐坤軸弱魑

魅嘯有風霜霰浩漠漠昨憶踰隴坂高秋視

吳岳東笑蓮花果北知崆峒薄超然侔壯觀

已謂殷寥廓突兀猶趁人謂前險已盡至此

及茲歎真寔鄭曰磈苦奚切今作溪泰伯曰

吳岳也彭曰國語謂之西吳秦都咸陽以為西岳夢弼曰唐隴州吳山縣西四十里有吳山其頂有五峰是也洙曰華山有蓮華峰崆峒山在隴右殷音隱

龍門鎮

細泉兼輕冰沮洳棧道濕不辭辛苦行迫此

短景急石門雲雷隘古鎮峰巒集旌竿暮慘

澹風水白刃澁胡馬屯成臯防虞此何及彼

成臯而此防龍門豈嗟爾遠戍人山寒夜中

泣洙曰漢高紀棧道注云棧即閣也今謂之閣道棧土諫反又土版反夢弼曰編竹為

閣道謂之棧道歐公曰短景急言日短急於
奔程也趙曰成臯乃鞏洛之地胡馬指言安
史之兵耳沫曰防虞
此何及言已後時矣

石龕

熊羆咆我東虎豹號我西我後鬼長嘯我前
狨又啼天寒昏無日山遠道路迷驅車石龕
下仲冬見虹霓伐竹者誰子悲歌上雲梯為
官采美箭五歲供梁齊苦云直斡盡無以充
提攜奈何漁陽騎颯颯驚蒸黎夢弼曰狨音

自成一字
新格也

趙曰此詩起句連四我字乃公之新格劉琨
扶風歌止曰鹿遊我前猴戲我側兩句而已
夢弼曰仲冬見虹霓紀異也趙曰爾雅東南
之美者有會稽之竹箭此摘用其字梁者沫
州齊指山東皆安史之兵所在此言采箭以
輸官也鄭曰斡古旱切亦作苛沫曰祿山之
亂所領皆漁

積草嶺

公自注同谷界

連峰積長陰白日遞隱見颼颼林響交慘慘
石狀變山分積草嶺路異明水縣旅泊吾道
窮衰年歲時倦卜居尚百里休駕投諸彥邑

有佳主人情如已會面來書語絕妙遠客驚

深眷食蕨不願餘茅茨眼中見相去尚百里想像如見願

休馬息焉之志也○夢弼曰明水縣屬興州

唐志明作鳴言路異者自此嶺之外東西別

行東則同谷西則明水也趙曰謝靈運鄴中

詩序云二三諸彦左太冲詠史詩飲河期滿

腹貴足不願餘鶴曰邑有佳

主人當是措同谷縣宰也

朝行青泥上暮在青泥中泥濘非一時版築

勞人功不畏道途永反將汨沒同白馬為鐵

驪小兒成老翁哀猿透却墜死鹿力所窮寄

語北來人後來莫忽忽夢弼曰白馬為鐵驪

亦將為黑色之驪也

玉篇驪馬深黑色

鳳凰臺夢弼曰成州東南十二里有

鳳凰臺鳳凰山即秦弄玉與蕭史吹

亭亭鳳凰臺北對西康州西伯今寂寞鳳聲

亦悠悠山峻路絕蹤石林氣高浮安得萬丈

梯為君上上頭恐有無母雛饑寒日啾啾我

能剖心血飲啄慰孤愁心以當竹實炯然忘
 外求血以當醴泉豈徒比清流所重王者瑞
 敢辭微命休坐看綵翮長舉意八極周自天
 街瑞圖飛下十二樓圖以奉至尊鳳以垂鴻
 猷再光中興業一洗蒼生憂深衷正為此羣
 盜何淹留武德初以同谷置西康州貞觀初
廢謂之西康者蓋嶺南亦有康州所以自別
也洙曰文王為西伯時鳳鳴于岐陽夢弼曰
莊子南方有鳥其名鷓鴣夫鷓鴣非梧桐不
止非練實不食非醴泉不飲又韓詩外傳黃

帝致齋于宮鳳乃止帝東園集帝梧桐食帝
 竹實長讀當如字夢符曰瑞應圖曰鳳王者
之嘉瑞夢弼曰春秋合讖圖曰黃帝坐元扈
洛水之上與大司馬容光等臨觀鳳凰銜圖
置帝前黃帝再拜受圖注元扈石室名也漢
郊祀志黃帝為五樓十二城以候神人邁曰
鴻猷大道也鳳垂鴻
猷所以表大道也

乾元中寓居同谷縣作歌七首

李薦師友

記聞李太白遠離別蜀道難與子美
寓居同谷七歌風騷之極致不在屈

原之下也

有客有客字子美白頭亂髮垂過耳歲拾橡

栗隨狙公天寒日暮山谷裏中原無書歸不

得手脚凍皴皮肉死嗚呼一歌兮歌已哀悲

風為我從天來（夢弼曰）橡似兩切櫟實也狙

子狙公賦茅茅即橡子也

長鑿長鑿白木柄（鄭曰）皴七倫切皮細起也我生託

子以為命黃精無苗山雪盛短衣數挽不掩

脛此時與子空歸來男呻女吟四壁靜嗚呼

二歌兮歌始放閭里為我色惆悵（色字下得好非必人

人為我惆悵而有其色○（鄭曰）鑿鋤銜切吳

人云犁鐵說文銳也（夢弼曰）按顏之推訓俗

音字鑿仕衫切即銳也俗謂之地鑿又仕鑿

切（夢弼曰）廣雅黃精龍街草也本草黃精義

服輕身延年或曰黃精當作黃獨黃獨俗謂

之土芋根惟一顆而色黃故謂之黃獨饑歲

土人掘食以充糧余謂此非當以黃精為正

公嘗屢用黃精字按集中有太平寺泉眼詩

云三春斲黃精一
有弟有弟在遠方三人各瘦何人強生別展
轉不相見胡塵暗天道路長東飛駕鵝後鵝
鷓安得送我置汝傍嗚呼三歌兮歌三發汝

歸何處收兄骨

趙曰公四弟曰穎曰觀曰豐曰占各在他郡惟占從公入

蜀公在劔外有占歸草堂詩云久客應吾道相隨獨爾來

朱曰後漢趙孝弟禮為賊所得將食之孝自縛詣賊曰禮瘦不如孝肥賊感

其意俱舍之樂府他鄉各異縣展轉不相見夢弼曰陶隱居本草駕鵝大於鴈似人家蒼

鵝耳鵝鶴惡禽也鶴九頭詩有鵝在梁毛蒼傳秃鵝也

朱曰左傳余收爾骨馬

有妹有妹在鍾離良人早歿諸孤癡長淮浪

高蛟龍怒十年不見來何時扁舟欲往箭滿

眼杳杳南國多旌旗嗚呼四歌兮歌四奏林

猿為我啼清晝

夢弼曰地理志濠州治鍾離縣春秋時為鍾離子國楚地漢縣也按公集中有近聞

韋氏妹迎在漢鍾離之句

四山多風溪水急寒雨颯颯枯樹濕

是此景

蒿古城雲不開白狐跳梁黃狐立我生胡為

在窮谷中夜起坐萬感集嗚呼五歌兮歌正

長魂招不來歸故鄉

何其魂招不來耶歸故鄉也○夢弼曰古城即

是指同谷舊為西康州也楚

屈原放逐宋玉作招魂辭

南有龍兮在山湫古木巖從枝相樛木葉黃

曰

落龍正螫蝮蛇東來水上遊我行怪此安敢

出拔劍欲斬且復休嗚呼六歌兮歌思遲溪

壑為我迴春姿獨此歌迴春姿者頓車駕反

對。逸曰湫龍潭也。夢弼曰劉安招隱士云

山氣龍從兮石嗟峨洪慶善補音龍力孔切

貌。夢弼曰蝮方六切大蛇也。男兒生不成名身已老三年饑走荒山道長

安卿相多少年富貴應須致身早山中儒生

舊相識但話宿昔傷懷抱嗚呼七歌兮情終

曲仰視皇天白日速聲氣俱盡

萬丈潭夢弼曰同谷縣有鳳凰潭一

泓澄萬丈

青溪合冥冥神物有顯晦便合龍依積水蟠

窟壓萬丈內跼步凌垠堦側身下煙靄前臨

洪濤寬却立蒼石大山危一徑盡岸絕兩壁

對削成根虛無倒影垂澹瀨黑如灣潭底清

見光烟碎孤雲倒來深飛鳥不在外高蘿成

帷幄寒水壘旌旆遠川曲通流嵌竇潛洩瀨

造幽無人境發興自我輩告歸遺恨多將老

斯遊最閉藏修鱗蟄出入巨石礙造意何事

炎天過快意風雨會夢弼曰張平子西京賦

有垠鏐淮南子出於無垠鄂之間許慎注垠

鄂端崖也字或作鄂亦作鏐通用鄭曰瀕徒

對切猶澹沲也水帶沙往來貌漢郊祀志登

遐倒景如淳注在日月之上反從下照故其

景倒修可曰康協終南

行楓丹杉碧壘旌立旆

○發同谷縣公曰注乾元二年十一月

一日自隴右赴劔南紀行

黔突暖席
二義幻

賢有不黔突聖有不暖席況我饑愚人焉能

尚安宅始來茲山中休駕喜地僻奈何迫物

累一歲四行役忡忡去絕境杳杳更遠適停

驂龍潭雲迴首虎崖石臨岐別數子握手淚

再滴交情無舊深窮老多慘感平生嬾拙意

偶值棲遁迹去住與願違仰慚林間翮殊曰

曰墨子無黔突孔子無暖席師曰公以昨歲

自諫省出為華州椽今夏棄官發華州秋客

秦州冬離秦州至同谷又發同谷而赴成都

歌云南有龍芳在山湫是也虎崖山名亦在同谷

木皮嶺

首路栗亭西尚想鳳凰村季冬攜童稚辛苦
赴蜀門南登木皮嶺艱險不易論汗流被我
體祈寒為之暄遠岫爭輔佐千巖自崩奔始
知五嶽外別有他山尊仰于塞大明俯入裂
厚坤再聞虎豹闕屢躅風水昏高有廢閣道
摧折如短轅下有冬青林石上走長根西岸

特秀發煥若靈芝繁潤聚金碧氣清無沙土

痕憶觀崑崙圖目擊玄圃存對此欲何適默

傷垂老魂洙曰首音狩謂命車向西行也鶴曰蜀門即劔門也洙曰閣道即棧道也冬青

今之榎榭也左太冲蜀都賦金馬馳光而絕景碧雞倏忽而曜儀炎曰莊子日擊而道存夢弼曰崑崙玄圃皆神仙所居時玄宗巡幸之後以蜀郡為南京故公盛言其風物托之崑崙玄圃而寄所思也

白沙渡

畏途隨長江渡口下絕岸差池土舟楫杳窅

入雲漢天寒荒野外日暮中流半我馬向北
嘶山猿飲相喚水清石礪礪沙白灘漫漫迫
然洗愁辛多病一踈散高壁抵嶽崆洪濤越
凌亂臨風獨回首攬轡復三歎（洙曰）莊子夫畏途者十殺
一人則父子兄弟相戒也（鄭曰）礪
魯水切嶽崆山貌土音欽下音吟
水會渡（魯曰）一云
山行有常程中夜尚未安微月没已久崖傾
路何難大江動我前洶若溟渤寬篙師暗理

楫歌笑輕波瀾霜濃木石滑風急手足寒入
舟已千憂陟嶽仍萬盤回眺積水外始知衆
星乾窮而遠遊令人瘦衰疾慚加餐

飛僊閣

（夢弼曰）華陽國志諸葛亮相
蜀鑿石駕空為飛梁閣道又

（酈元水經注）云大劔戍至小劔三十
里連山絕險飛閣相通謂之閣道

土門山行窄微徑緣秋毫棧雲闌干峻梯石
結構牢萬壑欹踈林積陰帶奔濤寒日外澹
泊長風中怒號歇鞍在地底始覺所歷高往

來雜坐臥人馬同疲勞浮生有定分饑飽豈
可逃歎息謂妻子我何隨汝曹

○五盤

魯曰謂棧道盤屈有五重

五盤雖云險山色佳有餘仰凌棧道細俯映
江木踈地僻無網罟水清反多魚好鳥不妄
飛野人半巢居喜見淳朴俗坦然心神舒東
郊尚格鬪巨猾何時除故鄉有弟妹流落隨
丘墟成都萬事好豈若歸吾廬

趙曰楊雄云水至清則無

魚公據所見而反用之也

龍門閣

清江下龍門絕壁無尺土長風駕高浪浩浩
自太古危途中縈盤仰望垂線縷滑石歆誰
鑿浮梁梟相柱目眩隕雜花頭風吹過雨百
年不敢料一墜那得取飽聞經瞿塘足見度
大庾終身歷艱險恐懼從此數

趙曰史心亂目眩魏太祖

讀陳琳檄愈頭風此借用其字瞿塘峽名大庾嶺名皆艱險之處也

石櫃閣

季冬日已長山晚半天赤蜀道多草花江間

饒竒石石櫃曾波上臨虛蕩高壁清暉迴羣

鷗迴字暝色帶遠客羈棲負幽意感歎向絕

跡信甘孱孺嬰不獨凍餒迫優游謝康樂放

浪陶彭澤吾衰未自由謝爾性有適唐子西語錄云

子美紀行詩如江間饒竒石未為極勝到暝色帶遠客則不可及已修可曰謝玄暉封康樂公孫靈運襲其封與何長瑜等以文章賞會共為山澤之遊詩家稱康樂乃靈運非玄

暉也

桔柏渡鄭曰桔居屑切

青真寒江渡駕竹為長橋竿濕煙漠漠江水

風蕭蕭連竿動嫋娜征衣颯飄飄急流鵝鷺

散絕岸黿鼉驕西轅自茲異東逝余可要高

通荆門路闊會滄海潮孤光隱顧眄遊子悵

寂寥無以洗心胸前登山椒鄭曰竿側柏切洙曰連竹

索而為梁謂之竿鶴曰成都之竿橋是也魯曰鵝鷺喻舟船也黿鼉喻橋梁也驕壯也蒼

舒曰釋文山頂

曰巔亦曰椒
劍門
夢弼曰按地理志劍州劍門縣有梁山亦名大劍山自蜀出漢

中道一由此故以門名

惟天有設險劍閣天下壯連山抱西南石角
皆北向兩崖崇墉倚刻畫城郭狀一夫怒臨
關百萬未可傷珠玉走中原峨峨氣淒愴三
皇五帝前雞犬莫相放後王尚柔遠職貢道
已喪至今英雄人高視見霸王并吞與割據

極力不相讓吾將罪真宰意欲鏟疊嶂恐此

復偶然臨風默惆悵歎地險而惡負固者也

○劍閣天下壯閣一作門鶴曰劍門背有閣道張孟陽劍閣銘云惟蜀之門作固作鎮是

曰劍閣壁立萬仞洙曰劍山西南而石皆北向如

拜伏狀趙曰劍門山雖抱西南而石角北向

有面內之義蓋地形雖險而趨中原自然之

勢也詩其崇如墉張協玄武館賦云崇墉四

匝洙曰蜀都賦云一人守隘萬夫莫向趙曰
珠玉之於中原必著走字者或曰古之言珠
玉謂無翼而飛無脛而行非謂人之所携持
若飛走也岷山在成都之西青城山是也峨
山在成都之西南峨嵋山是也遠人困於誅
求而淒愴之氣見於峨嵋峨以二山無情之物

猶且悽愴則有情之民可知矣（夢弼曰）蜀舊為西蠻之地自三皇五帝以前雞犬之聲不聞乎中國至秦鑿岷峨以通蜀務在懷柔遠人遠人雖修職貴而太古淳朴之道已喪矣至今英雄人謂如公孫述劉備李雄孟知祥之徒皆乘中國有亂起而據蜀也（趙曰）鏟楚產切韻書云平鐵也

鹿頭山

有鹿頭關

夢弼曰唐志漢州德陽縣有鹿頭山高崇文擒劉闢處又

鹿頭何亭亭是日慰饑渴連山西南斷俯見千里豁遊子出京華劔門不可越及茲險阻

盡始喜原野闊殊方昔三分霸氣曾間發天下今一家雲端失雙闕悠然想楊馬繼起名碑兀有文令人傷何處理爾骨紆餘脂膏地慘澹豪俠窟杖鉞非老臣宣風豈專達冀公柱石姿論道邦國活斯人亦何幸公鎮踰歲

月

（洙曰）自秦入蜀山嶺重複及下鹿頭關東望成都千里豁然也（夢弼曰）公歷陟險阻

至此豁然足慰饑渴之望（趙曰）天下一家皆為臣屬所僭擬宮闕已不復見故云失雙闕也（夢弼曰）楊馬謂子雲相如也二子皆蜀人也（趙曰）成都富饒之地故指為脂膏也豪俠窟

見郭僕云京華遊俠窟而變其字耳夢弼曰
冀公謂僕射冀國公裴冕也時為劔南節度
使陸凱傳宰
相國之柱石

○成都府

翳翳桑榆日照我征衣裳有何深意我行山

川異忽在天一方但逢新人民未卜見故鄉

大江東流去遊子去日長曾城填華屋季冬

樹木蒼喧然名都會吹簫聞笙簧信美無與

適側身望川梁鳥雀夜各歸中原杳茫茫憤怨

悲感讀初月出不高衆星尚爭光語次寫景

附會可厭自古有羈旅我何苦哀傷洙曰淵明歸

翳以將入趙曰桑榆晚日也鄭曰填陟刀切

定也夢弼曰曾與層同填或音田滿也洙曰

王粲登樓賦雖信美而非

吾土兮曾何足以久留

散愁二首

父客宜旋旆興王未息戈蜀星陰見少江雨

夜聞多五字偏盡蓋是江南又是夜百萬轉

深入寰區望匪他司徒下燕趙收取舊山河

希曰深入用孔明表中語司徒謂李光弼也
時乾元二年七月李光弼為朔方節度使兵
馬元帥八月為幽州長史河北節度以賊
將留希德及收清夷橫野等軍加檢校司徒
 聞道并州鎮尚書訓士齊幾時通薊北當日
 報關西戀闕丹心破霑衣皓首啼老魂招不
 得歸路恐長迷洙曰并州太原也時王思禮
數有功遷兵部尚書鄴城師潰惟李光弼王
思禮軍獨完尋破思明別將萬餘眾暨光弼
徙河陽思禮代為河東節度治太原持法嚴
整人不敢犯洙曰薊北乃范陽盧龍等處安
史之巢穴也關西者長
安以西皆謂之關西也

恨別

洛城一別四千里胡騎長驅五六年草木變

衰行劔外兵戈阻絕老江邊思家步月清宵

立憶弟看雲白日眠聞道河陽近乘勝司徒

急為破幽燕洙曰宋玉九辨草木搖落兮變

敗史思明於河陽
幽燕思明窟穴也

喜薛璩畢曜遷官

東坡別集詩評云別來頭
併白相見眼終青此老杜

句也讀書頭欲白相對眼終青身更萬事已
頭白相對百年終眼青看鏡白頭知我老平
生青眼為君明故人相見尚青眼新貴即今
多黑頭江山萬里俱頭白骨十年終眼青
白頭逢國士青眼酒
樽開此坡谷所為也

寄賈岳州嚴巴州兩閣老

黃常明詩話云老

十處不易者如綠江路熟俯青郊傲睨俯峭
壁展席俯長流杖藜俯沙渚此邦俯要衝四
顧俯層巔旄頭俯澗瀍層臺俯風渚遊目俯
大江江檻俯鴛鴦其餘一字屢用若此類者
甚多不可具述復齋謾錄云唐六典左右拾
遺掌供奉諷諫凡發令舉事有不便於時不
合於道者小則上封事大則廷諍子美以至
德二載拜左拾遺故寄賈司馬云法駕還雙

闕王師下八川此時霑奉引佳氣拂周旋奉
酬嚴公題野亭云拾遺曾奏數行書懶性從
來水竹居奉引濫騎沙苑馬幽棲真釣錦江
魚此兩詩所以言供奉也春宿左省云明朝
有封事數問夜如何晚出左掖云避人焚諫
草此兩詩所以言小則上封事大則廷諍也
誠齋詩話詩有實字而善用之者以實為虛
子美云弟子貧原憲諸生老伏虔老字蓋用
趙充國請
行上老之

集千家註杜工部詩集卷之六

集千家註杜工部詩集卷之六

此詩在... 子美... 杜甫... 詩集... 卷之六... 杜工部... 詩集... 卷之六... 杜甫... 詩集... 卷之六...

集千家註杜工部詩集卷之七

酬高使君

鶴曰公初到成都寓居於浣花溪寺時高適為彭州

刺史以詩寄贈○上元元年成都府作

古寺僧牢落空房客寓居故人供祿米鄰舍

與園蔬雙樹容聽法玉車肯載書草玄吾豈

敢賦或似相如

夢弼曰涅槃經云世尊在雙樹間演說如是大經又法華

經火宅喻三車牛車羊車鹿車也洙曰漢楊雄作太玄經又每作賦擬相如本傳云哀帝

時丁傅董賢用事時雄方草太玄有以自守泊如也又云孝成帝時客有薦雄文似相如

者容齋隨筆云古人酬和詩必答其來意非
若今人為次韻所局也觀文選所編何劭張
華盧誕劉琨二陸三謝諸人贈答可知已唐
人尤多姑取杜集畧紀之高適寄杜公云媿
爾東西南北人杜則云東西南北更堪論高
又有云草玄今已畢此此外更何言杜則云
玄吾豈敢賦或似相如嚴武寄杜云興發會
能馳駿馬終須重到使君灘杜則云休沐旌
麾出城府草茅無徑欲教鋤杜公寄嚴詩云
何路出巴山重巖細菊斑遙知簇鞍馬回首
白雲間嚴荅云臥向巴山落月時籬外黃花
菊對誰踈馬望君非一度嶺猿秋鴈不勝悲
杜送韋迢云洞庭無過鴈書疏莫相忘迢云
相憶無南鴈何時有報章杜云雖無南去鴈
看取北來魚郭受寄杜云春興不知凡幾首
杜荅云藥裏關心詩揔廢皆如鍾磬在簾扣

之則應往來反覆
於是乎有餘味矣

○贈杜二拾遺

高適

傳道招提客詩書自討論佛香時入院僧

飯屢過門聽法還應難尋經剩欲翻草玄

今已畢此後更何言注詳見前支遁與許

入詢同講維摩經互設難馬翻譯也

○奉酬李都督表文早春作

力疾坐清曉來詩悲早春轉添愁伴客更覺

老隨人紅入桃花嫩青歸柳葉新望鄉猶未

已四海尚風塵起十字盡與故接得在弱有

如行文不得不雨後人堆實軟乏皆未喻

卜居

鮑曰公到成都之日劔南節度使裴冕為公卜成都西郭浣花

浣花溪水西頭主人為卜林塘幽已知出

郭少塵事更有澄江銷客愁無數蜻蜒齊上

下一雙鷓鴣對沉浮

盤盪鷺浴底心性伯仲之間見伊呂岐王宅裏

崔九堂前巴峽穿巫峽襄陽向洛陽九江日

落一寸兩箇一行自去自來相親相近生憎不

分自今以後此等皆肆筆縱橫有踈野氣大

家數不可無俗眼東行萬里堪乘興須向山

陰上小舟鶴曰寰宇記浣花溪在成都西郭

日謝玄暉詩澄江淨如練蜀有萬里橋在浣

花溪之東昔孔明送吳使至此曰萬里之行

從此始矣因是得名乘興謂欲傲王子猷月

夜泛舟調戴安道也山陰王子猷所居之地

詩體云引韻便失粘既失粘則若不拘聲律

然其對偶精到謂之骨格蘇李體老杜卜居

王十五司馬弟出郭相訪兼遺營草

堂貴

客裏何遷次江邊正寂寥肯來尋一老愁破
是今朝憂我營茅棟攜錢過野橋他鄉唯表
弟還往莫辭遙

堂成

背郭堂成蔭白茅綠江路熟俯青郊橙林礙

日吟風葉

公自注橙木名不材可充薪而已惟蜀地取宜種

籠竹和

橙香全

煙滴露梢暫止飛鳥將數子頻來語燕定新

巢旁人錯比揚雄宅懶惰無心作解嘲

夢蜀

中記玉壘以東多橙木易成而可薪美蔭而不害然余嘗歷攷韻書無橙字詢之蜀人相傳以為丘宜切後見王荆公集中有薛秀才橙木詩云濯錦江邊木有橙小園封殖佇華滋地偏幸免桓魋伐歲晚聊同庾信移則知丘宜切為是也又蜀有竹名籬籠籠力鍾切洙曰揚雄傳雄有田一廛有宅一區世世以農桑為業哀帝時丁傳董賢用事雄方草太玄或嘲雄以玄尚白而雄解之號曰解嘲左太冲詠史詩寂寂揚子宅門無卿相輿

遊修覺寺

一起係切

野寺江天豁山扉花竹幽詩應有神助吾得

及春遊徑石相縈帶川雲自去留禪枝宿衆

鳥漂轉暮歸愁夢弼曰庾信安昌寺碑云禪

禪枝怖

後遊

寺憶曾遊處橋憐再渡時江山如有待花柳

更無私必如此可以野潤煙光薄沙暄日色

遲客愁全為減捨此復何之

賓至

幽棲地僻經過少老病人扶再拜難豈有文

章驚海內謾勞車馬駐江干此與後文竟日

淹留佳客坐百年麤糲腐儒餐不嫌野外無

供給乘興還來看藥欄洙曰詩寘之河之干

詩江干遠樹浮麤糲衣糲食也茗溪胡元

任曰李濟翁資暇集謂園庭中藥欄欄即藥

未御者假與貧民誤以籟為藥遂穿鑿為說

以解子美詩中云常苦沙崩損藥欄及乘興

過矣愚謂子美詩云藥
欄者直花藥之欄檻耳

狂夫

萬里橋西一草堂，百花潭水即滄浪。風含翠

篠娟娟靜，雨裊紅蕖冉冉香。厚祿故人書斷

絕，恒饑稚子色淒涼。欲填溝壑唯踈放，極無可奈

何之？自笑狂夫老更狂。洙曰：蜀有萬里橋，注

公之宅接浣花溪地名百花潭上今公言潭

成都浣花里結廬枕江與田峻野老相狎

不七篇以清
冷暖

有客

患氣經時久，臨江卜宅新。喧卑方避俗，踈快

頗宜人。有客過茅宇，呼兒正葛巾。自鋤稀菜

甲，小摘為情親。師曰：公嘗有肺疾，故云患氣

嘉記：以小摘供日。

蜀相

丞相祠堂何處尋？錦官城外柏森森。映階碧

草自春色，隔葉黃鸝空好音。三顧頻繁天下

蘇轍
尋音
臣士真

別人想為者
身物不出

計兩朝開濟老臣心出師未捷身先死長使

英雄淚滿襟全首如此一字一淚矣○寫得

遺下此語使人意傷○孫季昭曰按蜀本杜

詩並作錦官城注云成都府城亦呼為錦官

城以江山明麗錯雜如錦也趙云或以其有

錦官如銅官鹽官之類其說亦是不然止取

錦而巳何以更有一集所著錦官集蓋鎮成都府

為詩每官成一集所著錦官集蓋鎮成都府

時作也則身親見成都為錦官城故取以名

之况杜子美嘗卜居成都浣花里其用官字

必無誤當以蜀本為正洙曰廟有古柏乃武

侯手植也荆公語錄映堦碧草自春色隔葉

黃鸝空好音此何遜行孫氏陵云山鷺空樹

響壘此月自秋暉也杜云薄雲巖際宿孤月浪

中翻此庚信白雲巖際出清月波中上也出

上二字勝矣陰鏗鸞隨入戶樹花逐下山風

杜云月明垂葉露雲逐度溪風又云水流行

地日江入度山雲此一聯勝庾信云永韜三

尺劍長捲一戎衣杜云風塵三尺劍社稷一

戎衣亦勝庾矣洙曰本傳徐庶謂先主曰諸

葛孔明臥龍也將軍宜枉駕顧之先主遂詣

石笋行

田曰按石笋在成都西門外

也夢弼曰庾亮表頻繁省闕出摠六軍洙曰

本傳亮悉大衆由斜谷出據武功五丈原與

司馬懿對於渭南相持百餘日疾卒于軍

恩

一丈六尺圍極於九尺五寸南笋長
一丈三尺圍極於一丈二尺蓋南笋
公孫述時折故
長不逮北笋

君不見益州城西門陌上石笋雙高蹲古來
相傳是海眼苔蘚食盡波濤痕雨多徃徃得
瑟瑟此事恍惚難明論恐是昔時卿相墓立
石為表今仍存惜哉俗態好蒙蔽亦如小臣
媚至尊政化錯迕失大體坐看傾危受厚恩
嗟爾石笋擅虛名後生未識猶駿奔安得壯

士擲天外使人不疑見本根

率然兩語補拾

尊第言其石狀蒙蔽不足指某事某事之率

合譬喻也○鶴曰成都府舊為益州田曰杜

光庭石笋記云舊傳石笋之名有六曰石笋

曰蜀如闕曰沉犀石曰魚鳧仙壇曰西海之

眼曰五丁石門又成都記云距石笋二三尺

每夏月大雨徃徃陷作土穴泓水湛然凡三

五日忽然而不見故有海眼之說彦輔曰成都

記石笋及林亭池石之地雨過必有小珠或

祖確語後

三才教一

...

色輕明虛薄無與為比洙曰蜀王本紀云武
都丈夫化為女子蜀王納以為妃無幾物故
葬於成都郭中以石作鏡一枚表其墓又華
陽國志云妃死王遣五丁之武都擔土作冢
立其石因名石笋希曰寰宇記望帝禪位于
相號開明帝開明下五葉復稱王始立宗廟
時天生五丁力士能徙山每一上死輒為立
人石長三丈重千鈞為墓誌趙曰小臣媚至
尊譏李輔國也時輔國離
間二宮擅權之跡甚彰也云

漫興九首

眼見客愁愁不醒無賴春色到江亭
即遣便教開深造次便教鷺語太下寧
正是詩意

手種桃李非無主野老牆低還是家
恰似春風相欺得夜來吹折數枝花

風相欺得夜來吹折數枝花疎野有佳致○

正元之在商州嘗賦詩云兩株桃杏映籬斜
裝點商州副使家何事春風容不得和鷺吹
折數枝花其子嘉祐云老杜嘗有恰似春風
相欺得夜來吹折數枝花之句語頗相似因
請易之元之忻然曰吾詩精詣遂能暗合子
美耶更為詩曰本與樂天為後進敢期杜甫
是前身卒不復易蓋元之詩本學樂天也

熟知茅齋絕低小江上燕子故來頻
銜泥點污琴書內更接飛蟲打著人
其閨情院體又如此

二月已破三月來漸老逢春能幾回莫思身

外無窮事且盡生前有限杯揔如此則樂天

杜詩只一字出奇便有過人處如二月已破

三月來一片花飛減却春朝罷香煙携滿袖

生憎柳絮白於綿何用浮名絆此身則下

得減字破字携字於字絆字皆不可及

腸斷春江欲盡頭杖藜徐步立芳洲顛狂柳

絮隨風舞輕薄桃花逐水流

懶慢無堪不出村呼兒自在掩柴門蒼苔濁

酒林中靜碧水春風野外昏善自遣

糝徑楊花鋪白氈點溪荷葉疊青錢筍根稚

子無人見沙上鳧雛傍母眠平常景多少幽

解事讀之可惜

舍西柔桑葉可拈江上細麥復纖纖人生幾

何春已夏不放香醪如蜜甜

隔戶楊柳弱嫋嫋恰似十五兒女腰誰謂朝

來不作意狂風挽斷最長條野人漫興深入

倩盡豈復有能

注老

題新津北橋樓得郊字

鶴曰新津縣在蜀州公居

成都嘗暫如新津故有題北橋樓詩

望極春城上開筵近鳥巢白花簷外朶青柳

檻前梢

此梢朶却全嫩故轉入老語生強

池水觀為政厨煙

覺遠庖西川供客眼唯有此江郊

雲山

京洛雲山外音書靜不來神交作賦客力盡

望鄉臺

此神交力盡亦開合展轉盡是無可奈何者多看過了

衰疾江

邊臥親朋日暮迴白鷗元水宿何事有餘哀

夢弼曰京言長安西都也洛言洛陽東都也

作賦客指班孟堅張衡也孟堅作西都東都賦張衡作西京東京賦洙曰晉嵇康與阮籍

山濤為神交成都記有望鄉臺隋蜀王秀所築鄭曰益州記昇仙亭夾路有二臺一曰望鄉臺

杜鵑行

夢弼曰成都記杜宇亦曰杜主自天而降稱望帝好稼穡

教人務農治郾城時荆人鼈令死其尸沂江而上至文山下復生見望帝

望帝因以為相號曰開明會巫山江壅人遭洪水開明為鑿通流有大功

望帝因以其位禪之望帝死其魂化為鳥名曰杜鵑亦曰子規鶴曰寰宇

此詩存以紀
系

記望帝以德不如鰲令因禪位于鰲
令號開明遂自亡去化為杜鵑鳥故
蜀人聞杜鵑鳴
曰是我望帝也

君不見昔日蜀天子化為杜鵑似老鳥寄巢
生子不自啄羣鳥至今為哺雛雖同君臣有
舊禮骨肉滿眼身羈孤業工竄伏深樹裏四
月五月偏號呼其聲哀痛口流血所訴何事
常區區爾豈摧殘始發憤羞帶羽翮傷形愚
蒼天變化誰料得萬事反覆何所無萬事反

覆何所無豈憶當殿羣臣趨夢弼曰博物志

他巢百鳥為飼之蔡寬夫詩話云鮑照行路
難云愁思忽而至跨馬出北門舉頭四顧望
但見松柏荆棘鬱蹲蹲中有一鳥名杜鵑言
是古時蜀帝魂聲音哀苦鳴不息羽毛憔悴
似人髣飛走樹間逐蟲蟻豈憶往日天子尊
念此死生變化非常理中心惻愴不能言與
子美杜鵑行語意極相類或云子美
此詩為明皇遷居西內有感而作也

○為農

錦里煙塵外江村八九家圓荷浮小葉細麥
落輕花卜宅從茲老為農去國賒遠慚勾漏

令不得問丹砂

呂氏童蒙訓曰潘邠老云七

江翻石壁歸雲擁樹失山村翻字失字是響

字也五言詩第三字要響如圓荷浮小葉細

麥落輕花浮字落字是響字也所謂響者致

力處也予竊以為字字當活活則字字自響

洙曰晉葛洪年老欲鍊丹以祈遐壽聞交趾

出丹砂求為勾漏令帝以洪資高不許洪曰

非欲為榮以有丹耳帝從之

梅雨

趙曰周處風土記云夏至前雨名黃梅雨

南京犀浦道四月熟黃梅湛湛長江去真真

細雨來與乾坤萬里眼茅茨踈易濕雲霧密

難開竟日蛟龍喜盤渦與岸回

洙曰玄宗幸蜀還至德二

載改成都府置尹視二京號為南京希曰成

都府有犀浦縣蓋李冰嘗以石犀壓水怪犀

浦之名或本此洙曰郭璞

江賦盤渦谷轉凌濤山頽

田舍

田舍清江曲柴門古道傍草深迷市井地僻

嬾衣裳擗柳枝枝弱枇杷樹樹香鷓鴣西日

照曬翅滿漁梁

江村

吳

清江一曲抱村流長夏江村事事幽自去自
來堂上燕相親相近水中鷗老妻畫紙爲碁
局稚子敲針作釣鉤語意近放多病所須惟藥物
微軀此外更何求全首高曠真野人之能言者

江漲

江漲柴門外兒童報急流下牀高數尺倚杖
沒中洲細動迎風燕輕搖逐浪鷗漁人縈小
楫容易拔船頭

題壁上韋偃畫馬歌

夢弼曰朱景玄畫斷云韋偃京

北人寓居于蜀工畫馬居間常以越筆點簇鞍馬或鬣或飲或鶩或正頭或點尾曲盡其妙宛全其真實韓幹之亞也

韋侯別我有所適知我憐君畫無敵戲拈禿

筆掃驊驢歛見騏驎出東壁一匹齧草一匹

嘶坐看千里當霜蹄當字好佳處正在當字以爲丁浪切謬矣

時危安得真致此與人同生亦同死容齋隨筆云江

山登臨之美泉石賞翫之勝世間佳境也觀者必曰如畫至於丹青之妙好事君子嗟歎

之不足者則又以逼真目之如老杜人間又見真乘黃時危安得真致此悄然坐我天姥下斯須九重真龍出憑軒忽若無丹青高堂見生鷗直訝松杉冷兼疑菱荇香之句是也以真為假以假為真均之為妄境耳人生萬事如是其何特此耶

戲題王宰畫山水圖歌

夢弼曰畫斷云王宰家于

西蜀能畫山水意出象外

十日畫一水五日畫一石能事不受相促迫

王宰始肯留真跡

裁語多言

壯哉崑崙方壺圖掛

君高堂之素壁巴陵洞庭日本東赤岸水與

銀河通

他句法別謂其或似洞庭與日本與赤岸然下語荒忽如此自是老氣逼

人中有雲氣隨飛龍舟人漁子入浦淑山木

盡亞洪濤風

好句

尤工遠勢古莫比咫尺應須

論萬里焉得并州快剪刀翦取吳松半江水

洙曰巴陵岳陽也洞庭在其左海東有日本

國本中曰赤岸在廣陵南兖州記曰瓜步山

東五里江有赤岸山南臨江中濤水自海入

江衝激六七百里至此岸側其勢始衰郭景

純江賦鼓洪濤於赤岸夢符曰南史齊武帝

孫賁字文真能書善畫於扇上圖山水咫尺

之內便覺萬里為遙矜慎不傳自娛而已趙

曰吳松言吳地之松江也蔡條西清詩話云

何

起情言日
風雨猶落
之致

蕭文與能書善畫於扇上圖山水咫尺之內
便覺萬里為遙老杜戲題山水圖云尤工遠
勢古莫比咫尺應須論萬里乍讀似非用事
如男兒既介冑長揖別上官用介冑之士不
拜婦人在軍中兵氣恐不揚用軍中
豈有女子乎皆用事而隱其語

戲韋偃為雙松圖歌

夢弼曰名畫記
韋偃作老松異

右筆力勁健人知其善
畫馬不知松石更工也

天下幾人畫古松畢宏已老韋偃少磊落絕
筆長風起織末滿堂動色嗟神妙兩株慘裂
苔蘚皮屈鐵交錯迴高枝白摧朽骨龍虎死

黑入大陰雷雨垂

真思玄構畫
者不及此

松根胡僧憇

寂寞厖眉皓首無住著偏袒右肩露雙腳葉

裏松子僧前落韋侯數相見我有一匹

好東絹重之不減錦繡段已令拂拭光凌亂

請公放筆為直幹

此起此結吞吸傾倒○夢
弼曰名畫記畢宏大曆間

為給事中畫松石於左省廳壁好事者皆詩
詠之其畫擅名當代修可曰楞嚴經名無住

行名無著行公取而合用之也洙曰金剛經
偏袒右肩右膝着地鶴曰梓州鹽亭縣出絹

甚良時人謂之鵝溪絹即東絹也誠齋詩話
云麒麟圖畫鴻鴈行紫極出入黃金印又白

摧朽骨龍虎死黑入大陰雷雨垂又指揮能
蓬鬢天入滄浪一釣
舟此杜子美詩體也

赴青城縣出成都寄陶王二少尹鶴曰

青城縣屬蜀州在成都之西按成都府有少尹二人掌貳府州之事歲次

則更次入計

老被樊籠役貧嗟出入勞客情投異縣詩態

憶吾曹東郭滄江合西山白雪高文章羞底

病文章濟甚迴首興滔滔洙曰蜀城之東二水合流而南下

人謂之合水西山上積雪經夏不消相接青城趙曰差病校也

野望因過常少僊鶴曰少府當是常徵君公後有寄常

徵君詩云徵君晚節旁風塵豈晚年却出任耶

野橋齊度馬可畫他人以秋望轉悠哉竹覆

青城合江從灌口來入村樵徑引嘗果栗園

開落盡高天日幽人未遣回洙曰青城山名灌口地名俱在

蜀灌口昔秦守季冰疏鑿離堆以灌蜀土因而得名

丈人山彦輔曰青城山記云此山為五岳之長故名丈人有丈人

觀

自為青城客不唾青城地

磊磊落落

為愛丈人山

丹梯近幽意丈人祠西佳氣濃綠雲擬住最

高峰掃除白髮黃精在君看他時冰雪容

出郭

霜露晚淒淒高天逐望低遠煙鹽井上斜景

雪峰西故國猶兵馬他鄉亦鼓鼙江城今夜

客還與舊鳥啼

立之曰蜀有鹽井遠煙謂煮鹽也洙曰雪峰即西山也上

有積雪經夏不消

泛溪

鶴曰即浣花溪

落景下高堂進舟泛迴溪誰謂築居小未盡

喬木西遠郊信荒僻秋色有餘淒練練峰上

雪纖纖雲表霓童戲左右岸罟弋畢提攜翻

倒荷芰亂指揮逕路迷得魚已割鱗採藕不

洗泥人情逐鮮美物賤事已睽吾村靄暝姿

異舍雞亦棲蕭條欲何適出處庶可齊衣上

見新月霜中登故畦濁醪自初熟東城多鼓

馬曰練練白貌趙曰江淹麗色賦色練練而欲奪吳筠詩練練波中月皆取白之義

也莊子曰畢弋多鳥亂於上網罟多魚亂於下蓋網罟以取魚畢弋以取鳥今謂畢提攜

者又畢盡之義言兒戲至盡攜罟弋以取魚也希曰史思明是年入東京故云東城多

也鼓鼙西遊記言紫竹林台首領要縣縣學士

茶景。贈蜀僧問丘師兄公自注太常

大師銅梁秀籍籍名家孫嗚呼先博士炳靈

精氣奔惟昔武皇后臨軒御乾坤多士盡儒

冠墨客藹雲屯當時上紫殿不獨卿相尊此語

最得大意世傳問丘筆峻極逾崑崙鳳藏丹霄暮

龍去白水渾青熒雪嶺東碑碣舊製存斯文

散都邑高價越璵璠晚看作者意妙絕與誰

論吾祖詩冠古同年蒙主恩豫章夾日月歲

久空深根小子思踈闊豈能達詞門窮愁一

揮淚相遇卽諸昆我住錦官城兄居祗樹園

地近慰旅愁往來當丘樊天涯歇滯雨粳稻

臥不翻漂然薄遊倦始與道侶敦景晏步脩
廊而無車馬喧夜闌接軟語落月如金盆漠
漠世界黑驅驅爭奪繁惟有摩尼珠可照濁
水源此言問丘鍾銅梁山名在劔南合州銅梁縣
揚子雲長楊賦藉翰林以為主人子墨為客
卿以風班孟堅西都賦琳珉青瑩田曰東蜀
牛頭山下有問丘均撰瑞聖寺磨崖碑嚴政
書寺今為天寧羅漢禪院鶴曰公之祖杜審
言也按本傳武后召審言將用之問卿歡喜
否審言蹈舞謝后令賦歡喜詩歎車其文授
著作郎遷膳部員外郎時與均同朝也後山
詩話云魯直言杜之詩法出審言句法出庾

信但冠古則其詩法乃家學所傳云夢弼曰
祖詩冠古則其詩法乃家學所傳云夢弼曰
豫章大木也生七年乃可知沫曰金剛經佛
在舍衛國祇樹給孤獨園夢弼曰華嚴經菩
薩摩訶薩有十種語一者柔軟語能使一切
衆生得安穩故維摩經常以軟語眷屬不離
捫虱新話陶淵明詩采菊東籬下悠然見南
山采菊之際無意於山而景與意會此淵明
得意處也而老杜亦曰夜闌接軟語落月如
金盆予愛其意度間雅不減淵明而語句雄
健過之每詠此二詩便覺當時清景盡在
前而二公寫之筆端殆若天成茲為可貴田
曰圓覺經譬如清淨摩尼寶珠映於五色隨
方各現宣室志云馬翊嚴生家漢南峴山得
一珠如彈丸色胡人曰此西國清
水珠也若至濁水冷然洞徹矣

野老

野老籬前江岸迴柴門不正逐江開漁人網

集澄潭下賈客船隨返照來洗削句長路關心

悲劔閣片雲何意傷琴臺此等亦與王師未

報收東郡城闕秋生畫角哀公自注得稱城

百花潭也洙曰劔閣劔門棧道也鄭曰十道

志成都有琴臺即相如與文君貫酒處夢弼

曰趙清獻公玉壘記相如琴臺在浣花溪北

鶴曰去年九月史思明陷東京及濟汝鄭滑

四州是年六月田神功破思明之兵於鄭州

然東京與諸郡猶未復夢弼曰東郡今滑州

一室

也後漢志東郡治濮陽杜預曰古衛地趙曰

時成都陞為南京故公自注得稱城闕也

一室他鄉遠空林暮景懸正愁聞塞笛獨立

見江船只當巴蜀來多病荆蠻去幾年應同

王粲宅留井峴山前洙曰成都記其西即隴

已接復曰巴蜀夢弼曰荆蠻楚也峴山在襄

陽有王粲故宅粲字仲宣宅前有井人呼為

北鄰

明府豈辭滿藏身方告勞也好青錢買野竹

謂上築之意白幘岸江臯愛酒晉山簡能詩何水

曹時來訪老疾步屨到蓬蒿傳明府注郡所

居曰府明府者尊高之稱鶴曰公詩多以縣

令為明府此詩云明府者其王明府歟王從

公遊公亦有詩與之夢弼曰辭滿謂任滿辭

去也謝靈運詩辭滿豈多秩謝病不待年趙

曰青錢蜀人語謂見錢也洙曰劉隗岸幘大

言意氣自若夢弼曰晉山簡鎮襄陽于時四

方寇亂簡優游卒歲唯酒是耽每出游多之

習氏池上置酒輒醉名之曰高陽池洙曰何

遜入歲能賦詩為名流所稱仕梁為水部員

外郎孫曰裸悉協切履薦也洙曰張仲蔚所

居蓬蒿没人

南鄰

錦里先生烏角巾園收芋栗不全貧慣看賓

客兒童喜得食堦除鳥雀馴秋水纔深四五

尺野航恰受兩三人淺溪小艇本是實景白

沙翠竹江村暮相送柴門月色新看幾過後

舉此倍覺有懷有濃有淡當由實歷故見范

元實詩眼云工部有所喜用字如脩竹不受

暑野航恰受兩三人吹面受和風輕燕受風

斜受字皆入妙老坡尤愛輕燕受風斜以謂

風

燕迎風低飛乍前乍却非受字不能形容也
至於能事不受相促迫莫受二毛侵雖不及
前句警策要
自穩愜雨

村夜

風色蕭蕭暮江頭人不行村春雨外急鄰火
夜深明自然胡羯何多難漁樵寄此生中原有
兄弟萬里正含情

奉簡高三十五使君

鶴曰高適時為蜀州刺史

當代論才子如公復幾人驂騑開道路鷹隼

出風塵行色秋將晚交情老更親天涯喜相
見披豁對吾真

寄楊五桂州譚

公自注因州參軍段

廣州段功曹到寄楊五長史詩
時楊長史必自桂而徙廣州也

五嶺皆炎熱宜人獨桂林梅花萬里外雪片
一冬深聞此寬相憶為邦復好音江邊送孫

楚遠附白頭吟

夢弼曰陳藏器云桂林桂嶺
因桂得名又山海經云桂林

有入桂在番禺東注八樹成林言其大也鶴
曰桂林雖居嶺外然治古始安隸荆州之零

陵非鬱林州之桂林故白樂天亦云桂林無
瘴氣茲所以宜人也嶺南無雪獨桂林有之
范成大云靈州興安之間兩山蹲踞中容一
馬謂之嚴關朔雪至關輒止大盛則度關至
桂州城下不復南矣北城舊有樓曰雪觀所
以夸南州也夢弼曰大庾嶺謂之梅嶺去長
安萬里洙曰晉孫楚字子荆嘗為驃騎將軍
石苞參軍夢弼曰古樂府有白頭吟言交情
多喜新而厭故也

。西郊

時出碧雞坊西郊向草堂市橋官柳細江路

野梅香

風韻閒淡

傍架齊書帙看題減藥囊

看有無減

去無用作無人覺來徃荆公看踈嬾意何長
檢字淺近洙曰成都碧雞坊按漢郊祀志宣帝時或
言益州有金馬碧雞之神可醮祭而致於是
遣工褒持節而求之夢弼曰按寰宇記市橋
在州之西趙曰荆公本作覺來徃甚善余嘗
讀梁徐姚婦題甘蔗示人曰夕泣已非踈夢
啼真大錯唯當夜枕知過此無人覺舊本作
競誤矣荆公語錄老杜云無人覺來徃下得
覺字大好暝色赴春愁下得赴字大好若非
見吟詩要一字兩字工夫

和裴迪登蜀州東亭送客逢早梅相

憶見寄

東閣官梅動詩興還如何遜在揚州起得此稱情此

時對雪遙相憶送客逢春可自由幸不折來

傷歲暮若為看去亂鄉愁亦宛變江邊一樹

垂垂發朝夕催人自白頭夢弼曰何遜嘗為廣陵記室按集有

揚州早梅詩曰兔園標物序驚時最是梅銜

霜當路發映雪凝寒開枝橫却月觀花遶凌

風臺朝灑長門泣夕驅臨叩

杯應知早飄落故逐上春來

蕭八明府寔處覓桃栽

奉乞桃栽一百根春前為送浣花村河陽縣

嘯
篋
之
則

裏雖無數濯錦江邊未滿園夢弼曰晉潘岳

縣令滿縣種桃李人號曰河陽一縣花

憑何十一少府邕覓橙木數百栽鶴

何邕為利州綿谷縣尉與公為鄉人後有贈別何邕詩可考也

草堂塹西無樹林非子誰復見幽心飽聞橙

木三年大公自注蜀人以橙與致溪邊十畝

陰子美自是遭揚子琳之亂又之蜀之綿之

梓未嘗得橙用也○嚴有翼藝苑雌黃云

東坡次介甫韻詩所竹穿花破綠苔小詩端

曾

誰能盡檜木三年已足燒又後山詩三頃良
田不難買三年檜木行可檜檜字遍尋字書
無之詢之蜀人則相傳以為丘宜切及按介
甫絕句以檜字為韻與移字同押則知丘宜
切為是也老杜有覓檜木栽詩飽聞檜木三
年大與致溪邊十畝陰注蜀人以檜為薪三
年可燒又堂成詩檜林礙日吟風葉籠竹和
煙滴露梢注檜木名不材可充薪而已惟蜀
地最宜種

憑韋少府班覓松樹子栽

鴻曰後有涪江泛舟

送韋班詩韋當是為涪江尉

落落出羣非檉柳青青不朽豈揚梅欲存老

蓋千年意為覓霜根數寸栽

夢弼曰抱朴子有天陵偃蓋之

松西陽雜俎世傳松千歲方頂平偃蓋

又於韋處乞大邑瓷盃

公自注大邑在臨邛

大邑燒瓷輕且堅扣如哀玉錦城傳君家白

盃勝霜雪急送茅齋也可憐

早起

上元二年成都作

春來常早起幽事頗相關帖石防隕岸開林
出遠山一丘藏曲折緩步有躋攀童僕來城

市餅中得酒還

趙曰漢書班固書曰夫嚴子

樂

○琴臺

夢弼曰按十道志成都府有琴臺

○記

琴臺在浣花溪之北梁蕭藻鎮蜀

○增

建樓臺以備遊觀元武代蜀下營

○於

此掘得大壘二十餘口蓋所以響

茂陵多病後尚愛卓文君酒肆人間世琴臺

日暮雲

長卿懷抱

野花留寶曆蔓草見羅裙

歸鳳求凰意寥寥不復聞

洙曰司馬相如字

渴病事武帝為郎後病免家居茂陵初相如

嘗過臨邛臨邛富人卓王孫為具召相如及

臨邛令酒酣臨邛令前奏琴曰竊聞長卿好

之願以自娛時卓王孫有女文君新寡好音

相如以琴心挑之文君夜奔相如與馳歸成

都家徒四壁立文君不樂謂長卿第俱如臨

邛從昆弟假貸猶足以為生相如乃與俱之

臨邛盡賣車騎置酒舍令文君當壚相如親

滌器於市中鄭曰歷益涉切頰輔也修可曰

徐陵玉臺新詠載相如琴歌曰鳳兮鳳兮歸

故鄉遨遊四海求其凰時未通兮無所將何

悟今日登斯堂有艷淑女在此芳室邇從遐

愁我腸何緣交頸為鴛鴦又歌曰鳳兮鳳兮

從我棲得托字尾求為妃交情通體心相怡

中夜相從知者誰雙羽俱起
翔高飛無感我心使予悲

漫成二首

野日荒荒白春流泯泯清

兩語皆傷心而荒
荒尤警泯泯略稱

○泯言其
無聲也

渚蒲隨地有村徑逐門成

無緊要
語而盡

鄰曲橫斜之態
一家作一逕入

只作披衣慣

却是暗用莊子
披衣注又不曉

常從漉酒生眼邊無俗物多病也身輕

雪浪
齋日

記古人下連綿字不虛發如老杜野日荒荒
白江流泯泯清退之云月吐窓問問皆造微
入妙洙曰陶潛以葛巾漉酒王直方詩話老
杜云眼邊無俗物多病也身輕樂天亦有眼

前無俗物身外即僧居
之句然不為人所稱也

江臯已仲春花下復清晨仰面貪看鳥回頭

錯應人

偶然語偶
然道之耳

讀書難字過

真率
有味對酒滿

壺頻近識峨嵋老

公自注東
山隱者

知余懶是真

洙曰

楚詞朝馳予馬兮江臯師曰臯緩也江岸
其土性緩故云江臯石曰峨嵋山在蜀

客至

公自注喜崔
明府相過

舍南舍北皆春水但見羣鷗日日來

又是
一體花

徑不曾緣客掃蓬門今始為君開盤餐市遠

無兼味樽酒家貧只舊醅肯與鄰翁相對飲
隔籬呼取盡餘杯

江畔獨步尋花七絕句

江上被花惱不徹無處告訴只顛狂走覓南

鄰愛酒伴

公自注解斯融吾酒徒

經旬出飲獨空牀

每

數過可歌可舞能使老人復少○殊曰按集有聞解斯六官未歸詩云老罷休無賴歸來

省醉眠即解斯融也

稠花亂藥果江濱行步歌危實怕春

怕春詩語激

酒尚堪驅使在未須料理白頭人

江深竹靜兩三家多事紅花映白花報荅春

光知有處應須美酒送生涯

東望少城花滿煙百花高樓更可憐誰能載

酒開金盞喚取佳人舞繡筵

豪直是豪放直是放今人愛惜

情事開口亦難○殊曰梁益記云少城張儀所築蒼舒曰左太冲蜀都賦亞以少城接乎

其西注云少城小城也

黃師塔前江水東春光懶困倚微風桃花一

簇開無主可愛深紅愛淺紅

放翁曾用此句格似以可字作

敢字肯字看極是

黃四娘家花滿蹊千朵萬朵壓枝低留連戲

蝶時時舞自在嬌鶯恰恰啼

是子美借四娘

耳豈無似此無此英氣○茗溪胡元任曰齊魯大臣二人而史失其名黃四娘者獨何人哉因託此詩以得不朽世間幸不幸類如此

不是愛花即欲死只恐花盡老相催繁枝容

易紛紛落嫩藥商量細細開

○春水生二絕

二月六夜春水生門前小灘渾欲平鷓鴣瀟

鷗莫漫喜吾與汝曹俱眼明

一夜水高二尺強數日不可更禁當南市津

頭有船賣無錢即買繫籬傍

此八九絕皆放蕩自然足洗凡

陋何必竹枝樂府哉

春夜喜雨

好雨知時節當春乃發生隨風潛入夜潤物

細無聲

有善歌詩者以此為相業亦有味乎其言之至也造次敷露與雨露之所

濡甘苦齊結實兩句同真有德者氣象

野徑雲俱黑江船火獨

明曉看紅濕處花重錦官城

遣意二首

嘯枝黃鳥近泛渚白鷗輕一徑野花落孤村

春水生衰年催釀黍細雨更移橙

自然知是好語釀黍

移橙不無點檢幽興亦稱

漸喜交游絕

怨調

幽居不用名

簷影微微落津流脉脉斜野船明細火宿鴈

起圓沙雲掩初弦月香傳小樹花鄰人有美

酒稚子也能賒

放翁以也字作夜音最得村意

春水

三月桃花浪江流復舊痕朝來沒沙尾碧色

動柴門接縷垂芳餌連筒灌小園已添無數

鳥

添無數謂一春生

爭浴故相喧

趙曰韓詩秦與有方

渙渙兮注謂三月桃花水盛顏師古注曰月令仲春

之月始雨水桃花始華蓋桃方華時既有雨水

川谷冰泮衆流猥集波瀾盛長故謂之桃花

水趙曰古詩寄語故林無數鳥

江亭

坦腹江亭暖長吟野望時水流心不競雲在

意俱遲

閒言閒語非

寂寂春將晚欣欣物自

私

更無私自好自私又好實一意也人

故林

歸未得排悶強裁詩

張子韶曰陶淵明云雲

知還杜子美云水流心不競雲在意俱遲若

淵明與子美相易其語則識者往往以謂子

美不及淵明矣觀其云雲無心鳥倦飛則可

遲則與物初無間斷

徐步

整履步青蕪荒庭日欲晡芹泥隨鷺紫花藥

上蜂鬚把酒從衣濕吟詩信杖扶敢論才見

忌實有醉如愚

寒食

寒食江村路風花高下飛

歐公意

汀煙輕冉

冉竹日淨暉暉田父要皆去鄰家問不違地

偏相識盡雞犬亦忘歸

石鏡 洙曰成都記武都山精化為女

王哀之取武都山上築為塚

蜀王將此鏡送死置空山冥冥憐香骨提攜

近玉顏衆妃無復歎千騎亦虛還獨有傷心

石埋輪月宇間

少年行二首

莫笑田家老瓦盆自從盛酒長兒孫傾銀注

老瓦盆妙
長瓦盆承

王老義

玉驚人眼共醉終同臥竹根

巢鷺養雛渾去盡江花結子也無多黃衫年

少來宜數不見堂前東逝波 此少年行四句

勸甚遠○趙曰黃衫想唐人貴遊之服也鶴

曰唐高祖武德間勅庶人服紬絁布其色通

黃用 戲作花卿歌 夢弼曰花卿名敬定劍

也時梓州副使段子璋反東川節度

李真敗走於是光遠率敬定討之子

璋既誅敬定恃功大掠肅宗聞之怒

老所巧切
鵝妾少陵
此作實猶
之非痛惜也

語三續漢
年一
取教

之也鶴曰按史上元二年四月壬午段子璋反

成都猛將有花卿學語小兒知姓名用如快

鶻風火生見賊唯多身始輕綿州副使着柘

黃我卿掃除即日平子璋鬪髓血模糊手提

擲還崔大夫麓言鄙語李侯重有此節度人

道我卿絕世無既稱絕世無天子何不喚取

守京都蒼舒曰南史曹景宗謂所親曰昔在鄉里騎快馬如龍與年少輩數十騎

拓弓弦作礮礮聲放箭如餓鴟叫平澤中逐麀數肋射之渴飲其血饑食其胃甜如甘露

漿覺耳後生風鼻尖出火此樂使人忘死不知老之將至鶴曰按舊史東川節度治梓州

管縣劍榮遂等州此云緜州副使者蓋是時子璋適治緜州也洙曰着柘黃言其僭乘輿

服色也夢弼曰李侯謂負也子璋反負敗走及花卿誅子璋負得歸本鎮故云重有此節

度也重平聲山谷曰子美作花卿歌雄壯激昂讀之想見其人也楊明叔為余言花卿塚

在丹稜之東館鎮至今有英氣血食其鄉見封為忠應公

高柎鄭曰柎那含切木名俗作楠

柎樹色冥冥江邊一蓋青近根開藥圃接葉

製茅亭落景陰猶合微風韻可聽尋常絕醉

困臥此片時醒洙曰蜀志先主舍東南角籬上有桑樹遙望見童童如小

蓋車蓋蓋青並外開藥園封禁

惡樹

獨遶虛齋徑常持小斧柯幽陰成頗雜惡木

翦還多枸杞固吾有雞棲奈汝何方知不材

者生長謾婆娑趙曰惡木不蔽障故枸杞可遂其生但翦去木枝以妨雞

栖耳莊子此木以不材得終其天年

戲為六絕

戲為六絕

庾信文章老更成凌雲健筆意縱橫今人嗤

點流傳賦不覺前賢畏後生

楊王盧駱當時體輕薄為文哂未休爾曹身

與名俱滅不廢江河萬古流

縱使盧王操翰墨劣於漢魏近風騷龍文虎

脊皆君馭歷塊過都見爾曹

才力應難跨數公凡今誰是出羣雄或看翡

翠蘭若上未掣鯨魚碧海中

不薄今人愛古人清詞麗句必為鄰竊攀屈
宋宜方駕恐與齊梁作後塵
未及前賢更勿疑遞相祖述復先誰別裁偽
體親風雅轉益多師是汝師語意甚悲正是
庾信與後來作者如楊王盧駱亦豈易及哉
爾曹輕薄不見稱數第三詩又只借盧王反
復言之以為縱使不及漢魏風騷畢竟皆異
材也爾曹自負不淺然過都歷塊乃可見耳
所以極形容前輩之未易欺也注謂盧王為
爾曹是全失先後語意故又曰才力應難跨
數公數公謂上所指也翡翠蘭若極絕巧之
態我公不是薄他他自謂可方屈賈却恐更墮

數公後耳其不及則斷斷不及矣然不放他
人出已上則更自謂與三百篇相近不知愈
合師前人也○洙曰周書庾信字子山有盛
才文章綺麗為世人所尚謂之庾體作哀江
南賦尤見稱焉唐武后初楊炯王勃盧照鄰
駱賓王以文詞齊名海內呼為楊王盧駱號
為四傑漢魏兩漢及曹魏也過都過古禾切
屈宋屈原宋玉也齊梁詩體格輕麗議者以
文之失始
齊梁也

集千家註杜工部詩集卷之七

集千家註杜工部詩集卷之八

不及前野

齊梁出

為四

雜寶王

合

入出

[Faint bleed-through text from the reverse side of the page, including characters like '王', '梁', '曹', '賤', '也', '臨', '清', '西', '古', '不', '以', '入', '出', '其', '不', '又', '傾', '三', '百', '不', '又', '矣', '然', '不', '然']

集千家註杜工部詩集卷之八

寄杜位

公自注位京中有宅近西曲江詩尾有述

近聞寬法離新州想見歸懷尚百憂逐客雖
皆萬里去悲君已是十年流干戈况復塵隨

眼鬢髮還應雪滿頭玉壘題書心緒亂何時

更得曲江遊

夢弼曰新州屬廣南道公之姪杜位照新州時朝廷寬其罪移

之於近郡按集有杜位宅守歲詩當是明年

位即被謫故云已是在蜀州青城縣公時自城
都過青城因寄此詩夢弼曰曲江在長安為

上集卷八

勝遊之地杜
位有宅近焉

送裴五赴東川

故人亦流落高義動乾坤何日通燕塞相看
老蜀門東行應暫別北望若銷魂凜凜悲秋
意非君誰與論

送韓十四江東省覲

兵戈不見老萊衣歎息人間萬事非我已無
家尋弟妹君今何處訪庭闈黃牛峽靜灘聲

轉白馬江寒樹影稀此別應須各努力故鄉

猶恐未同歸此子美自謂深悲極怨。洙曰

縣有白馬州鶴曰白馬江
黃牛峽皆出峽之所經也

逢唐興劉主簿弟

鶴曰遂州唐興縣
也屬劔南道按唐

志莫台道遂州唐興雖天寶初已改
此詩當是遂州唐興雖天寶初已改
為蓬溪乃因其舊名耳

分手開元末連年絕尺書江山且相見戎馬
未安居劔外官人冷關中驛騎踈輕舟下吳

會主簿意何如〔洙曰〕劍外謂蜀也關中謂長
之一都
會也

○和裴迪登新津寺寄王侍郎〔公自注〕

蜀牧〔鶴曰〕蜀州有新津縣則新津寺必在蜀州夢弼曰王侍郎乃王維之弟縉也維有別業在輞川裴迪從之遊輞川荆林迪從縉來蜀縉守蜀州蓋在高適之後

何恨倚山木吟詩秋葉黃蟬聲集古寺自然鳥

影度寒塘風物悲遊子登臨憶侍郎官人侍

結句謂

不俗故老夫貪佛日隨意宿僧房〔夢弼曰〕古

貪僧〔田曰〕金光明經佛曰大悲滅一切關

敬簡王明府〔鶴曰〕王明府當時遂州

逢唐興劉主簿弟詩此殆因劉而簡之公又嘗為王作唐興縣客館記同

是年作也

葉縣郎官宰周南太史公神仙才有數流落

意無窮驥病思偏秣鷹秋怕苦籠看君用高

義耻與萬人同他人用衆人字。〔洙曰〕後漢王喬為葉令有神術或曰即

古仙人王子喬也明帝云郎官上應列宿出宰百里前漢司馬遷傳是歲天子始建漢家之封而太史公留滯周南不得與從事

重簡王明府

甲子西南異冬來只薄寒江雲何夜靜蜀雨

幾時乾行李須相問窮愁豈有寬君聽鴻鴈

響恐致稻梁難夢弼曰甲子記時節也西南

土兮何時乾左傳注行李行人也

因崔五侍御寄高彭州適一絕

百年已過半秋至轉飢寒為問彭州牧何時救急難

聞斛斯六官未歸

有自注云斛斯融吾酒徒者是也

鶴曰斛斯六名融按公江畔尋花詩

故人南郡去去索作碑錢本賣文為活翻令

室倒懸荆扉深蔓草土銼冷踈煙老罷休無

賴歸來省醉眠鄭曰銼粗卧切鶴曰蜀人以銼為銼王褒土銼無煙是也

徐卿二子歌

鶴曰公在成都時徐知

云徐卿無乃是知道也

出何典

君不見徐卿二子生絕竒感應吉夢相追隨
 孔子釋氏親抱送並是天上麒麟兒大兒九
 齡色清澈秋水為神玉為骨小兒五歲氣食
 半滿堂賓客皆回頭吾知徐公百不憂積善
 衮衮生公侯丈夫生兒有如此二雛者名位
 豈肯卑微休洙曰徐凌年數歲家貧携見寶
誌上人誌以手摩頂曰天上石
 麒麟也尸子虎豹之駒雖未成文已有食牛之氣

○贈花卿鶴曰花卿即敬定也

錦城絲管日紛紛半入江風半入雲此曲祗

應天上有人間能得幾回聞趙曰古歌辭載林鍾宮水調入

破第二云錦庭絲管曉紛紛半入靈山半入雲此曲多應天上有人間能得幾回聞

○百憂集行鶴曰王筠行路難云百憂俱集斷人腸

憶年十五心尚孩健如黃犢走復來庭前八
 月梨棗熟一日上樹能千迴即今倏忽已五
 十坐卧只多少行立強將笑語供主人悲見

吳

生涯百憂集入門依舊四壁空老妻覩我顏

色同癡兒未知父子禮叫怒索飯啼門東鶴曰

公生於壬子至是年恰五十山谷曰即今條忽已五十舊本云只今年纔五六此語似

方六七如五六也鶴曰主人指成都尹也按公以乾元二年冬至成都時裴冀公為

尹次年三月李若幽代是年二月崔光遠代光遠尋以討段子璋軍大掠乃罷以高適攝

冬嚴武至此云主人又當是指崔李也漫叟詩話云叫怒索飯啼門東又云用激壯士肝

說者謂庖厨之門在東肝主怒非偶就韵也

石犀

李冰為蜀守冰作石犀五頭

以厭水怪鶴曰按是年秋八月霖雨不止灌口水損戶口公故有是詩

君不見秦時蜀太守刻石立作三犀牛自古

雖有厭勝法天生江水向東流蜀人矜誇一

千載泛溢不近張儀樓今年灌口損戶口此

事或恐為神羞終藉隄防出眾力高擁木石

當清秋先王作法皆正道詭怪何得參人謀

嗟爾三犀不經濟缺訛只與長川逝但見元

氣常調和自免波濤恣彫瘵安得壯士提天

牛犀土犀用
也少後特取
之有以都
勝之也美是
上下千古

網再平水土犀奔浩

洙曰石犀五今云三犀

三犀豈據所見乎按鄺道元水經所載後轉犀牛二頭在府中一頭在市橋二頭沉之深淵水又自前堰上分穿羊摩江灌口西於王

女房下自涉郵作三分穿羊摩江灌口西於王水竭不至足盛不沒肩迄今蒙福厭勝字見漢書厭壹涉切洙曰成都記及圖經所載秦

張儀築少城於大城西城屢壞不能立忽有樓以定南北樓高一尺至今傳云張儀樓

一龜周旋巫依龜行巡築遂得立於是又作夢弼曰寰宇記彭州有灌口鎮鎮西有玉女

祠祠西有李冰廟孫季昭曰杜公詩或以安得二字為結句蓋切有望於天下後世者不

淺也茅屋為秋風所破歌曰安得廣厦千萬

間大庇天下寒士俱歡顏洗兵馬云安得壯

士挽天河淨洗甲兵長不用石犀行云安得壯士提天網再平水土犀奔茫石笋行云安得壯士擲天外使人不疑見本根凡此皆含不盡之意

江漲

江發蠻夷漲山添雨雪流大聲吹地轉吹字難下

高浪蹴天浮魚鼈為人得蛟龍不自謀輕帆

好去便吾道付滄洲洙曰蜀水之源皆出夷地鶴曰蜀山高而陰長

年雪不消故今云江漲而有雨雪流也

朝雨

涼氣曉蕭蕭江雲亂眼飄風鴛藏近渚雨燕
集深條黃綺終辭漢巢由不見堯草堂樽酒
在幸得過清朝洙曰秦四皓夏黃公綺里季
入漢朝既定太子位遂辭歸
隱於商山夢弼曰逸士傳巢父聞許由之為
堯所讓也曰汝何不隱汝形藏汝光由悵然
不自得乃遇清
冷之水洗其耳

晚晴

村晚驚風度庭幽過雨霑夕陽薰細草江色
映疎簾書亂誰能帙杯乾自可添時聞有餘

論未怪老夫潛

夢符曰后漢王符著潛夫論

病柏

有柏生崇岡童童狀車蓋偃蹇龍虎姿主當
風雲會神明依正直故老多再拜豈知千年
根中路顏色壞出非不得地蟠據亦高大歲
寒忽無憑日夜柯葉改丹鳳領九雛哀鳴翔
其外鴟鴞志意滿養子穿穴內客從何鄉來
竚立久吁怪靜求元精理浩蕩難倚賴

十朋曰蜀

志先主舍東南角籬上有桑樹高丈餘遙望
童童如小車蓋洙曰建康實錄鳳將九雛再
見於豐城衆鳥從之蘇曰東海何承天除著
作年已邁諸佐郎並年少荀伯呼為妳母承
天云卿當云鳳凰將九子妳母何言耶趙
曰元精字出后漢書元精所生王之佐臣

。病橘

羣橘少生意雖多亦奚為惜哉結實少酸澁
如棠梨剖之盡蠹蟲采掇爽其宜紛然不適
口豈止存其皮蕭蕭半死葉未忍別故枝玄
冬霜雪積况乃迴風吹嘗聞蓬萊殿羅列瀟

湘姿此物歲不稔玉食失光輝寇盜尚憑陵
當君減膳時汝病是天意吾愁罪有司憶昔
南海使奔騰獻荔枝百馬死山谷到今耆舊

悲夢弼曰昔漢武帝會羣臣於蓬萊殿羅列

每歲入貢也希曰書惟辟玉食又漢書注玉

食謂美食如玉也洙曰天子徹樂戒膳示自

責也吾愁罪有司愁一作諗田曰漢和帝時

南海獻龍眼荔枝十里一置五里一埃奔騰

險阻死者繼路唐羌為臨武長上書言狀和
帝罷之洙曰唐書貴妃嗜荔枝必欲生致之
乃置騎傳送走數千里其味未變已至於京
師也脩可曰唐之時乃涪州貢荔枝今公言
恩

南海者蓋借漢之南其木實好今公
時事以譏也

枯櫟

蜀門多櫟櫟高者十八九其皮割剥甚雖衆
亦易朽徒布如雲葉青青歲寒后交橫集斧
斤凋喪先蒲柳傷時苦軍乏一物官盡取嗟
爾江漢人生成復何有有同枯櫟木使我沉
歎久死者即已休生者何自守啾啾黃雀啅
側見寒蓬走念爾形影乾摧殘沒藜莠洙曰蜀人

取櫟皮以充用當軍興誅求尤急
曰取此苟切啅竹角切字又作啄

枯枿

梗枿枯崢嶸鄉黨皆莫記不知幾百歲慘慘
無生意上枝摩皇天下根蟠厚地巨圍雷霆
折萬孔蟲蟻萃凍雨落流膠衝風奪佳氣白
鵠遂不來天雞為愁思猶含棟梁具無復霄
漢志良工古昔少識者出涕淚種榆水中央
成長何容易截承金露盤裊裊不自畏趙曰楚辭

使東雨方洒塵郭璞爾雅注江東夏月暴雨呼為東雨衝風隧風也楚辭衝風至兮水揚波鶴曰爾雅鶉一名天雞赤羽之鳥也夢弼口漢武帝於建章宮作承露盤銅柱高二丈上有仙人以手掌承露

所思

苦憶荊州醉司馬公自注崔謫官樽酒定常

開九江日落醒何處一柱觀頭眠幾回語頗

可憐懷抱向人盡欲問平安無使來故憑錦

水將雙淚好過瞿唐灩澦堆甚鍾情○夢

杜若系奴

愛如人學

不白

吏部而謫荊州司馬也洙曰九江在潯陽郡其江各有名晁氏志一水而曰九江尚書注江於此分九道也復齋謾錄云老杜詩中屢用一柱觀按張華博物志江陵有臺甚大而唯一柱衆梁皆共此柱后土人呼為木履觀或曰一柱觀梁劉孝綽江津寄劉之遴云經過一柱觀出入三休臺是也洙曰瞿唐峽名灩澦石名荊州記云灩澦灩澦如象瞿塘莫上灩澦人以為水則也

進艇

南京父客耕南畝北望傷神坐北窓晝引老妻乘小艇晴看稚子浴清江俱飛蛺蝶元相

紀句杜撰

不可學

逐並蒂芙蓉本自雙

亦觀物自得之意反語如此

茗飲蔗

漿携所有瓷甕無謝玉為缸

珠曰時明皇幸蜀后號成都為

南京置尹比兩都

草堂即事

荒村建子月獨樹老夫家

是第二句

雪裏江船渡

風前逕竹斜寒魚依密藻宿鷺起圓沙蜀酒

禁愁得無錢何處賒

徐九少尹見過

晚景孤村僻行軍數騎來交新徒有喜禮厚

媿無才賞靜憐雲竹忘歸步月臺何當看花

藥欲發照江梅

魯曰唐以少尹為行軍長史有節度使即謂之

也

范二負外邈吳十侍御郁特在駕闕

展待聊寄此作

暫往比鄰去空聞二妙歸幽棲誠簡略衰白

已光輝野外貧家遠村中好客稀論文或不

愧重肯款柴扉

洙曰晉尚書令衛瓘與尚書郎索靖俱善草書時人號為

一臺
二妙

。王十七侍御掄許携酒至草堂奉寄

此詩便請邀高三十五使君同到

鶴曰

王侍御終於彭州刺史按公集有哭

王彭州掄詩柳芳歷曰高適乾元初

刺彭州明年公客秦州嘗有寄彭州

高使君詩上元初適移刺蜀州而公

至成都嘗燕公于浣花溪之草堂夢

弼曰按房瑄作蜀州先主廟碑載州

將高適建而亦叙其自彭而遷蜀也

鶴曰時成都尹崔光遠罷以高適攝

老夫卧穩朝慵起白屋寒多暖始開江鶴巧

當幽徑浴鄰雞還過短牆來繡衣屢許携家

醞皂盖能忘折野梅戲假霜威促山簡霜威

簡語殊不佳須成一醉習池迴洙曰漢侍御

亦自俗見

指使又漢二千石皂盖指言高使君也趙曰霜威

言御史霜臺之威也晉山簡鎮襄陽時荆土

豪族習郁有佳園池山簡每出遊多之池上

故適在

成都

元

公

參軍

不至

會

九

王竟携酒高亦同過共用寒字

卧病荒郊遠通行小徑難故人能領客携酒

重相看自愧無鮭菜空煩卸馬鞍移時勸山

簡頭白恐風寒公自注高每云汝年幾小且

夢弼曰鮭戶佳切又居諧切集韻吳人魚菜

摠稱南史庾杲之清貧自業食惟有韭菹淪

謂庾郎貧食鮭常有二三種

奉寄別馬巴州公自注時甫除京兆

公傳云公流落劔南結廬成都西郭

召補京兆功曹參軍不至會嚴武節

度劔南東西川往依焉又按唐紀云

上元二年建丑月以嚴武為成都尹

以是知公之除功曹在是年冬也時

草堂方成道路多梗而嚴武又來是

以不赴也

勲業終歸馬伏波功曹非復漢蕭何扁舟繫

纜沙邊久南國浮雲水上多獨把魚竿終遠

去難隨鳥翼一相過知君未愛春湖色興在

驪駒白玉珂謂不能就別知必為我來也春

寒字解

不蒙切

可曰劉貢父詩話云杜詩功曹非復漢蕭何
按曹參嘗為功曹非蕭何也王定國云高祖
紀何為主吏孟康注曰主吏功曹也貢父之
言誤矣二說皆非按吳志虞翻為孫策功曹
策曰孤有征討事未得還府卿復以功曹為
吾蕭何守會稽耳洙曰前漢王式傳注驪駒
逸詩篇名也見大戴禮客欲去歌之其辭云
驪駒在門僕夫具存驪駒在路僕夫整駕珂
者馬勒也
飾也

陪李七司馬阜江上觀造竹橋即日
成往來之人免冬寒入水聊題短作

簡李公

鶴曰此詩當是公在蜀州作
詳見後篇高使君自成都回

題下

代木為橋結構同褰裳不涉往來通天寒白

鶴歸華表日落青龍見水中顧我老非題柱

客知君才是濟川功合歡却笑千年事

如此下合

歡字誰曉驅石何時到海東

夢弼曰橋前二

頗疑其誤白鶴為言也青龍以喻橋影然朝野僉載河

北道趙州有石橋甚工則天時默毀破趙州

至石橋馬跪地不進但見青龍卧橋上奮迅
而怒乃遁去洙曰成都見青龍卧橋如初西
去題其柱曰不乘駟馬車不復過此橋書若
濟巨川用汝作舟楫趙曰言與賓客落橋之

成而歡飲因笑往事之勞徒驅石以下海也
洙曰秦始皇作石橋欲過海看日出處有神人能驅石下海石去不速神輒鞭之石皆流血

觀作橋成月夜舟中有述還呈李司馬

把燭橋成夜迴舟客坐時天高雲去盡江迴

月來遲衰謝多扶病招邀屢有期異方乘此

興樂罷不無悲

李司馬橋了承高使君自成都回鶴曰

時高適守蜀州而攝成都故云自成
都回按九域志成都在蜀州之東故
詩中云橋東待使君又
知公是詩在蜀州作也

向來江上手紛紛三日成功事出羣已傳童

子騎青竹揔擬橋東待使君洙曰後漢郭汲為并州牧始至

行部有童兒數百
騎竹馬道次迎拜

詣徐卿覓果子栽鶴曰集有徐卿二子歌

草堂少花今欲栽不問綠李與黃梅石筍街

中却歸去果園坊裏為求來鶴曰果園坊乃徐卿所居處

中吐。奉待嚴大夫鶴曰按唐紀上元二年

草堂少尹今公待其至詩云不知旌節隔年

回乃次年正月也又按舊史武出為

綿州刺史劔南東川節度使兼御史

中丞上皇誥以劔南兩川合為一御

武成都尹兼御史大夫充劔南節度

此當在乾元二年裴冕為尹之前蓋

上皇以上元元年七月移居西內已

不復預國事矣武嘗三鎮蜀在乾元

裴冕之前為一是年為二廣德二年

表公為參謀時為三也。寶應元年

作成都

殊方又喜故人來重鎮還須濟世才常怪偏

裨終日待未知旌節隔年回欲辭巴徼啼鶯
合遠下荆門去鷁催身老時危思會面一生

襟抱向誰開洙曰偏裨謂諸將校也希曰偏

南子注鷁大鳥也畫其象著船首以禦水患
夢弼曰公聞嚴武至欲辭蜀之巴峽下楚之
荆門以
迂之也
江詠五首

中林對丁香念檀曰丁香結實
不香體柔弱亂結枝猶墊細葉帶浮毛踈花

披素艷深栽小齋後庶近幽人占晚墮蘭麝

中休懷粉身念鄭曰墊都念切下也洙曰未

間而有粉身之患也玉首句言丁香結實則墮於蘭麝

麗春

百草競春華麗春應最勝少須好顏色多漫

枝條剩紛紛桃李枝處處總能移如何貴此

重却怕有人知豔對良友却或思會面一主

野然日豔對良友却或思會面一主 梔子豔對良友却或思會面一主

梔子比衆木人間誠未多於身色有用與道

氣傷和花外義外忽得精語紅取風霜實青看雨露柯

無情移得汝貴在映江波夢弼曰名山志諛

可以染帛其性極冷其實經霜則紅此物最有用也

雲衣去鵝鵝莫失

故使籠寬織須知動損毛看雲莫悵望失水

任呼號六翻曾經翦孤飛卒未高且無鷹隼

慮留滯莫辭勞

蘇留散花鴨

花鴨無泥滓，塔前每緩行。羽毛知獨立，黑白大分明。有可以不覺羣心妬，休牽衆眼驚。稻梁霑汝在，作意莫先鳴。

野望

西山白雪三城戍，南浦清江萬里橋。海內風塵諸弟隔，天涯涕淚一身遥。唯將遲暮供多病，未有滄埃答聖朝。跨馬出郊時極目，不堪

人事日蕭條

洙曰：按高適傳：上皇還京，復分而西山三城列戍，適上疏論之，不納。趙曰：成都萬里橋，公草堂在其西。

三絕句

楸樹馨香倚釣磯，斬新花蘂未應飛。不如醉

裏風吹盡可忍醒，時雨打稀

鍾情自道風味宛然。○本作春

風先生定作風吹盡

門外鷓鴣久不來，沙頭忽見眼相猜。自今已後知人意，一日須來一百迴。

無數春筍滿林生

之得興始

柴門密掩斷人行會

須上番看成竹客至從嗔不出迎

趙曰上番乃川語上

番則成竹故謂上篋竹

畏人

早花隨處發春鳥異方啼萬里清江上三年

落日低畏人成小築福性合幽棲

善自喻門

逕從榛草無心待馬蹄

夢弼曰按公自乾元二年冬來成都至寶

應元年春是歷三年矣

。可惜

花飛有底急

起語盡精

老去願春遲可惜歡娛地

都非少壯時

四句情景蕭然

寬心應是酒遣興莫過

詩此意陶潛解吾生後汝期

。落日

落日在簾鉤

又別

溪邊春事幽芳菲綠岸圍樵

爨倚灘舟

且樵且爨真倚灘之景

啁雀爭枝墜飛蟲滿

院遊濁醪誰造汝一酌散千憂

語自放蕩

獨酌

步彙深林晚開樽獨酌遲仰蜂粘落絮行蟻

上枯梨

北人元遺山云

薄劣慙真隱幽偏得

自怡本無軒冕意不是傲當時

行蟻行列之

運詩彼美丘園道喟然傷薄劣希曰宋何尚

乃錄古來隱士有迹無名者為真隱傳以啜焉

廣州段功曹到得楊五長史書功曹

却歸聊寄此詩

衛青開幕府楊僕將樓船漢節梅花外春城

海水邊銅梁書遠及珠浦使將旋貧病他鄉

老煩君萬里傳

朱曰李廣傳注云衛青伐匈奴絕大漠克獲帝就拜大將

軍於幕中故曰幕府幕府之名始於此武帝

征南越以楊僕為樓船將軍夢弼曰衛青以

比廣之府帥楊僕以比楊長史也趙曰廣州

近庾嶺與南海珠曰銅梁玉壘皆蜀中地名

得廣州張判官叔卿書使還以詩代

意述為張叔卿孔巢父作

結之若璠
之志

鄉關胡騎遠，宇宙蜀城偏。忽得炎州信，遙從月峽傳。雲深驃騎幕，夜隔孝廉船。却寄雙愁

眼，相思淚點懸。洙曰：廣在南，故謂之炎州。趙

曰：漢霍去病為驃騎將軍，晉張憑嘗謁丹陽尹劉惔，惔留宿，明日乃還，船須史惔出傳教

覓張孝廉船便召與同載時人榮之

送段功曹歸廣州

南海春天外，功曹幾月程。峽雲籠樹小，湖日落船明。交趾丹砂重，韶州白葛輕。幸君因估

客時寄錦官城。夢弼曰：交趾郡及韶州俱屬廣南道。丹砂、白葛，其地所出。

也估一作旅

魏十四侍御就弊廬相別

有客騎驄馬，江邊問草堂。遠尋留藥價，惜別

到文場。留藥價甚雅。文場過矣。入幕旌旗動，歸軒錦繡

香。時應念衰疾，書跡及滄浪。趙曰：漢桓典為侍御史，常乘驄

馬，時人為之語曰：行行且止，避驄馬御史。常乘驄

是也。洙曰：跡一作疏。

從韋二明府續處覓綿竹三數叢

夢

曰按唐志漢州有綿竹縣縣有紫巖山綿竹蓋產於此山也

華軒藹藹他年到綿竹亭亭出縣高江上舍

前無此物幸分蒼翠拂波濤

贈別何邕

鶴曰何邕時為利州縣谷縣尉蓋與公為鄉人按前

有憑何十一少府覓檉木栽詩

生死論交地何由見一人悲君隨燕雀薄宦

走風塵絲谷元通漢沱江不向秦

傷心

五陵

花滿眼傳語故鄉春

鶴曰縣谷屬利州而通漢水此言何邕得歸漢

上也沱江在蜀水不入秦禹貢云岷山導江東別為沱者此公自喻在蜀不得歸秦也五

陵在長安故云故鄉也

贈別鄭鍊赴襄陽

戎馬交馳際柴門老病身把君詩過日念此

別驚神地闊峨眉晚天高峴首春為於耆舊

內試覓姓龐人

洙曰峨眉山在蜀晚一作曉趙曰峴山在襄陽羊叔子墮

淚碑所在也洙曰龐德公隱於鹿門山屬襄陽

重贈鄭鍊絕句

鄭子將行罷使臣囊無一物獻尊親江山路

遠羈離日裘馬誰為感激人師曰公言鄭鍊

也囊無一物清潔如此彼乘肥衣輕之人有誰感激而憐之也

嚴中丞枉駕見過

公自注嚴自東川除西川勅令兩川

文都節制

元戎小隊出郊垆問柳尋花到野亭川合東

西瞻使節地分南北任流萍扁舟不獨如張

翰平據此阜帽應兼似管寧寂寞江天雲霧

裏何人道有少微星洙曰蜀分東西兩川趙

安為北而蜀為南也洙曰晉張翰字季鷹會稽賀循赴命入洛經吳閶門於船中彈琴翰

初不相識乃就循言大相欽悅問循知其入洛翰曰吾亦有事北京便同載而去不告家

人後齊王問辟為東曹掾因見秋風起思吳中葦羹鱸魚膾遂命駕而歸夢弼曰阜帽一

作白帽流傳之誤也按魏志管寧字幼安徵命不就居海上常着阜帽布裙又按杜佑通

典魏管寧在家常着阜帽洙曰隋志少微四星在太微西士大夫之位也一名處士星明

黃則處士舉矣

奉酬嚴公寄題野亭之作

拾遺曾奏數行書，懶性從來水竹居。奉引濫
騎沙苑馬，幽棲真釣錦江魚。謝安不倦登臨
費，阮籍焉知禮法踈。枉沐旌麾出城府，草茅
無逕欲教鋤。趙曰：公嘗為左拾遺，按唐十遺
職掌諷諫及供奉。又按後漢劉
聖公傳：李松奉引馬驚，則奉引之有馬可證
也。師曰：唐於沙苑置坊監養馬。夢弼曰：成都
號錦里，錦江錦水錦城錦官城，故公詩用之
不一也。按華陽國志：錦江織錦濯其中，色鮮
明，濯他江不如。故得名。趙曰：晉謝安於上山
會墅樓，館林竹甚盛。子姪往來游集，肴膳亦

屢費百金。洙曰：晉阮籍性踈懶，至為禮法之士，疾之如讐焉。屈原卜居寧，誅鋤草茅以力耕乎。

寄題杜二錦江野亭

嚴武

漫向江頭把釣竿，懶眠沙草愛風湍。莫倚
善題鸚鵡賦，何須不著駸驥冠。腹中書籍
幽時曬，肘後醫方靜處看。興發會能馳駿
馬，終須直到使君灘。洙曰：後漢禰衡字正平，氣尚剛傲，好矯時
慢，物見曹操數有恣言操懷忿，而以其才
名不欲殺之，送與劉表表重之，衡復每慢

能	武	結	世	曰	肯	曰	音	帶	亦	祖	賓	鷓	太	送	表
文	過	廬	舊	孔	為	嚴	儀	傳	前	大	衡	者	守	衡	表
而	之	枕	待	毅	侍	武	即	脂	漢	會	攬	射	尤	與	耻
不	有	江	遇	夫	中	以	驚	粉	佞	賓	筆	舉	善	之	不
冠	時	縱	其	績	冠	子	鳥	化	倖	客	而	厄	於	祖	能
又	不	酒	隆	世	駿	美	也	閱	傳	而	作	於	衡	亦	容
繼	冠	吟	子	說	驕	之	以	籍	孝	衡	文	衡	射	善	以
言	故	詠	美	嚴	厠	才	毛	之	惠	言	無	曰	時	待	江
幽	武	與	於	武	迹	如	羽	屬	時	不	加	願	大	焉	夏
時	此	田	浣	為	倭	禰	飾	也	侍	遜	點	先	會	祖	太
靜	詩	峻	花	成	臣	衡	冠	注	中	祺	辭	生	賓	長	守
處	譏	野	里	都	之	之	海	云	皆	竟	采	賦	客	子	黃
欲	子	老	種	尹	列	剛	貝	駿	冠	殺	甚	之	人	射	祖
其	美	相	竹	與	也	直	飾	音	駿	之	麗	以	有	為	性
謙	自	狎	植	子	夢	應	帶	峻	駿	射	後	娛	嘉	章	急
晦	倚	蕩	木	美	弼	不	趙	驕	貝	音	黃	嘉	鷓	陵	故

也	故	子	美	和	詩	云	阮	籍	焉	知	禮	法	踈	以	解
朝	也	容	齋	續	筆	云	新	唐	書	嚴	武	傳	云	房	瑄
以	故	宰	相	為	巡	內	刺	史	武	慢	倨	不	為	禮	最
厚	杜	甫	然	欲	殺	甫	數	矣	李	白	為	蜀	道	難	者
為	房	與	杜	危	之	也	甫	傳	云	武	以	世	舊	待	甫
甫	見	之	或	時	不	中	嘗	醉	登	武	床	瞪	視	曰	嚴
挺	之	乃	有	此	兒	武	街	之	一	日	欲	殺	甫	冠	鈞
于	簾	三	左	右	白	其	母	奔	救	得	止	舊	史	但	云
甫	性	褊	躁	嘗	憑	醉	登	武	床	斥	其	父	名	武	不
以	為	忤	初	無	所	謂	欲	殺	之	說	蓋	唐	小	說	所
載	而	新	書	以	為	然	予	按	李	白	蜀	道	難	本	以
譏	章	仇	兼	瓊	前	人	嘗	論	之	矣	子	美	道	難	本
凡	為	武	者	幾	三	十	篇	送	其	還	朝	者	曰	江	村
獨	歸	處	寂	寞	養	殘	生	喜	其	再	鎮	蜀	曰	得	歸
茅	屋	赴	成	都	真	為	文	翁	再	剖	符	此	猶	武	在
時	語	至	哭	其	歸	櫬	及	八	哀	詩	記	室	得	何	遜

韜鈴延子荆蓋以自况空餘老賓客身上
媿簪纓又以自傷若果有欲殺之怨必不
應眷眷如此好事者但以武詩有莫倚善
題鸚鵡賦之句故用證前說引黃祖殺禰
衡為喻殆是痴人面前不得說夢也武肯
以黃祖自比乎夢弼曰世說郝隆七月七
日出日中仰卧人問其故曰我晒腹中書
也晉葛洪好神仙導養之法自號抱朴子
著肘後要急方四卷水經魚復縣有羊腸
虎臂灘楊亮為益州經此而舟覆至今名
為使君灘也

遭田父泥飲美嚴中丞

步屣隨春風村村自花柳語有天趣政爾田

一派村野氣
俱沾醉
插照

俗事能通真
別人新雅

翁逼社日邀我嘗春酒酒酣誇新尹畜眼未
見有迴頭指大男渠是弓弩手名在飛騎籍
長番歲時久前日放營農辛苦救衰朽差科
死則已誓不舉家走今年大作社拾遺能住
否叫婦開大餅盆中為吾取感此氣揚揚須
知風化首語多雖雜亂說尹終在口朝來偶
然出自卯將及酉父客惜人情如何拒鄰叟
高聲索果栗欲起時被肘指揮過無禮未覺

村野醜月出遮我留仍嗔問升斗韻彙音爽

彘也履中薦也趙曰宋書袁粲為丹陽尹嘗

步屨白楊郊野間道遇一士大夫便呼與酣

飲洙曰指大男為弓弩手謂籍民丁為兵也

飛騎軍名也長番猶長在直也言無更代也

夢弼曰放營農謂放歸農耕使之營生也救

衰朽謂子弟得奉養其長上之衰老者也洙

曰郡守縣令風化之首夢弼曰肘字

如史記魏威子肘韓康子於車上

西蜀櫻桃也自紅野人相贈滿筠籠數回細

寫愁仍破萬顆勻圓訝許同憶昨賜霑門下

野人送朱櫻

一飲一啄不

忘如也

省退朝擎出大明宮金盤玉筋無消息此日

嘗新任轉蓬脩可曰唐李綽歲時記四月一

日內園進櫻桃寢廟薦訖頒賜

弊廬遣興奉寄嚴公

野水平橋路春沙映竹村風輕粉蝶喜花暖

蜜蜂喧把酒宜深酌題詩好細論府中瞻暇

日江上憶詞源邀其過我語涉跡忝朝廷舊

情依節制尊還思長者轍恐避席為門趙曰

上集卷八

天

藝傳云筆有餘力詞無竭源鶴曰嚴武時尹成都節制兩川宋曰陳平家負郭窮巷以席為門然門外多長者車轍趙曰公欲在嚴公之駕故用陳平事以激之

舟前小鵝兒公自注漢州城西北角官池作夢弼曰漢州城

西池乃房瑄罷相後歷漢州刺史日所鑿也瑄既死名之曰房公湖此詩

與後篇官池春鴈共三首公暫之漢州作也鶴曰按九域志成都北至漢

州不滿百里

鵝兒黃似酒對酒愛新鵝引頸嗔船逼無行亂眼多翅開遭宿雨力小困滄波客散層城

暮狐狸奈若何

官池春鴈二首

自古稻梁多不足至今鷓鴣亂為羣且休悵望看春水更恐歸飛隔暮雲

青春欲盡急還鄉紫塞寧論尚有霜翅在雲天終不遠力微繒繳絕須防句意緊嚴後山

森整○夢符曰班固兩都賦撫鴻量御繒繳夢弼曰本一作繒繳音憎短矢也繳音灼

生絲縷也言以絲繩繫矢而射之也

奉和嚴中丞西城晚眺十韻

汲黯匡君切廉頗出將頻直詞才不世雄略
動如神政簡移風速詩清立意新層城臨媚
景絕域望餘春旗尾蛟龍會樓頭燕雀馴地
平江動蜀天闊樹浮秦動字最佳長篇著兩語如此豈不軒豁浮
動二字相若帝念深分閩軍須遠筭緡花羅
封蛟蝶瑞錦送麒麟辭筭輸高義觀圖憶古
人征南多興緒事業閭相親閩相親者深欲倚以成功業也

惜哉○洙曰前漢汲黯字長孺武帝召為中大夫以數切諫不得久留內史記廉頗為趙將伐齊攻魏禮蛟龍為旂軍須師旅之費也漢書武帝初筭緡錢注緡絲也以貫錢也謂有儲積錢者計其緡貫而稅之蛟蝶麒麟羅錦上絲綉也師曰筭緡衰世之法今蜀貢花羅瑞錦以應軍須與筭緡者遠矣洙曰霍去病傳上為治第令視之對曰匈奴未滅無以家為由此上益重愛之馬援傳顯宗圖畫建武中名臣列將於雲臺以椒房故不畫伏波將軍像帝笑而不言夢弼曰晉杜預開府荆州贈征南將軍公嘗譜預為祖而公與嚴武有世舊故以預之事業言與武相近也興緒者謂興况也

短歌行贈王郎司直

鶴曰王司直時為蜀中刺史

王郎酒酣拔劍斫地歌莫哀我能拔爾抑塞

磊落之奇才豫樟翻風白日動鯨魚跋浪滄

溟開且脫劍佩休徘徊西得諸侯棹錦水得

諸侯以下謂王司直欲向何門取珠履仲宣

樓頭春已深青眼高歌望吾子眼中之人吾

老矣豪氣激人堂堂復堂堂○洙曰豫樟木名材之美者鯨海之大魚也○夢弼曰跋

先答切進足也○洙曰春中君上客皆躡珠履王粲字仲宣以西京擾亂依劉表於荊州嘗

登樓而賦因名仲宣樓晉阮籍能為青白眼見禮俗之士以白眼對之嵇康齋酒挾琴造

焉乃見青眼

入奏行贈西山檢察使竇侍御

夢弼曰時

吐蕃分三道入寇欲取成都為東府竇公以御史出檢校諸州軍儲器械

得以便宜入奏公作是詩以贈之

竇侍御驥之子鳳之雛年未三十忠義俱骨

鯁絕代無炯如一段清冰出萬壑置在迎風

寒露之玉壺蔗漿歸厨金盃凍洗滌煩熱足

諸名山記

抱區之矣背
芥子心志作
夢如煙

以寧君軀政用踈通合典則戚聯豪貴耽文
儒兵革未息人未蘇天子亦念西南隅吐蕃
憑陵氣頗麤竇氏檢察應時須運糧繩橋壯
士喜斬木火井窮猿呼八州刺史思一戰三
城守邊却可圖此行入奏計未小密奉聖旨
恩應殊綉衣春當霄漢立綵服日向庭闈趨
省郎京尹必俯拾江花未落還成都肯訪浣
花老翁無為君酤酒滿眼酤與奴白飯馬青

芻趙曰骨鯁者剛正之謂若肉之有骨而魚
之有鯁也洙曰漢有迎風寒露之館古詩
瑩若玉壺冰言清澈也趙曰宋玉招魂云燭
鰲炮羔有蔗漿些定功曰前漢禮樂志景星
歌泰尊柘漿析朝醒注取甘柘汁以為飲可
解醒也柘音蔗鶴曰繩橋在成都即窄橋蓋
蜀人以竹索為橋也師曰蜀有火井縣屬邛
州夢弼曰按蜀都賦注火井欲出其火先以
家火投之須臾隆隆如雷聲焯出爛然以竹
筒盛之接其光而無灰也夢弼曰按唐志劒
南節度西抗吐蕃南撫蠻獠都督松維恭蓬
雅黎姚悉入州西山三城謂姚維松也皆當
吐蕃之要衝洙曰漢暴勝之衣綉衣持斧出
使老萊子綵服以娛親夢弼曰漢夏侯勝曰
取青紫如俛拾地芥耳江花未落還成都一
有重句說者謂蜀人酤酒挈以竹筒竹筒上

有穿繩眼其酤酒者曰滿
眼酤言其滿迫筒眼也

中丞嚴公雨中垂寄見憶一絕奉荅

二絕

雨映行宮辱贈詩行宮實指所過贈詩之處元戎肯赴野

人期江邊老病雖無力強擬晴天理釣絲山谷

曰只此雨映兩字寫出一時景物句便雅健鶴曰明皇嘗幸成都故得用行宮

何日雨晴雲出溪白沙青石洗無泥只須伐

竹開荒徑拄杖穿花聽馬嘶

王錄事許修草堂貲不到聊小詰

為嗔王錄事不寄草堂貲昨屬愁春雨能忘

欲漏時其題可備口實其詩可刪

謝嚴中丞送青城山道士乳酒一餅

山餅乳酒下青雲氣味濃香幸見分鳴鞭走

送憐漁父洗盞開嘗對馬軍公自注軍州謂驅使騎為馬軍

趙曰漁父公自謂也洙曰時嚴公以騎兵送酒也

江上值水如海勢聊短述

為人性僻耽佳句語不驚人死不休老去詩

篇渾漫興自負甚奇春來花鳥莫深愁新添水檻

供垂釣故著浮槎替入舟焉得思如陶謝手

令渠述作與同遊亦自有語驚人言其平昔如此

今老矣所為詩則漫興而已無復著意於驚人

人也故寄語花鳥無用深愁耳鶴曰公所居

草堂有水檻謂之新添則水檻初成也洙曰

陶謝謂陶淵明謝玄暉靈運惠連輩也楊龜

山詞宗會盟曰東坡云詩須有為而作當以

故為新以俗為雅好奇務新乃詩之病柳子

厚詩晚年極似淵明知詩病也予謂此東坡

救時之弊猶曰以故為新以俗為雅即非點

新鄙雅區區守故常而流於俗者也學者宜

審而思之蔡條嘗謂詩家視淵明猶孔門視

伯夷誠為確論也然則集大成手當還子美

子美渾涵汪洋千彙萬狀兼古今而有之嘗

曰為人性僻耽佳句語不驚人死不休又曰

詩清立意新蓋異乎東坡所云且淵明詩意

戲贈友二首鶴曰焦校書意是焦遂

者王司直即前詩有短

元年建巳月郎有焦校書自誇足膂力能騎

生馬駒一朝被馬踏脣裂板齒無壯心不肯

已欲得東擒胡宋曰肅宗上元元年九月詔

歲首月以非所建辰為名師曰年號自漢武帝方有之肅宗欲法上古之制也公詩特著

元年建巳月者蓋記錄於此不然何以謂之詩史乎

元年建巳月官有王司直馬驚折左臂骨折

面如墨驚駘漫染泥何不避雨色勸君休歎

恨未必不為福趙自淮南子云塞上翁馬云

居數月其馬引胡駿馬而歸人皆賀之曰何知非禍及家富馬良其子好騎墮而折解人

又弔之曰何知非福居一年胡人大入丁壯戰死者十九其子獨以跛故父子得獲相保

水檻遣心二首

茅軒駕巨浪是也

鶴曰公所居草堂有水檻集有水檻詩云

去郭軒楹敞無村眺望賒澄江平少岸幽樹

晚多花細雨魚兒出微風燕子斜城中十萬

戶此地雨三家

蜀天常夜雨江檻巳朝晴葉潤林塘密衣乾

枕席清不堪祗老病何得尚浮名淺把涓涓

酒深憑送此生結細潤有味。尹曰蜀中雅州常多陰雨號曰漏天

屏跡二首

用拙存吾道幽居近物情桑麻深雨露燕雀

半生成字字稱村鼓時時急漁舟箇箇輕此兩句語

無深趣而亂離奔走杖藜從白首心迹喜雙

清羅大經鶴林玉露云杜陵詩桑麻深雨露燕雀半生成后山詩輟耕扶日月起廢極

吹噓或謂虛實不類殊不知生為造成為化

吹為陰噓為陽氣勢力量與雨露日月字正

也相配

晚起家何事無營地轉幽竹光團野色畫夕

舍影漾江流失學從兒懶長貧任婦愁百年

渾得醉一月不梳頭趙曰一月不梳頭暗使

一月十五日不洗也

絕句四首

堂西長筭別開門塹北行椒却背村宛曲梅

熟許同朱老喫松高擬對阮生論公自注朱

知○趙曰行

振蓋成行者

欲作魚梁雲覆湍因驚四月雨聲寒青溪先
有蛟龍窟竹石如山不敢安洙曰覆一作復去聲趙曰魚梁

乃劈竹積石橫截中流以取魚而溪下有蛟龍窟故未敢安也

兩箇黃鸝鳴翠柳一行白鷺上青天
窓含西

嶺千秋雪門泊東吳萬里船此千秋萬里是甚氣槩非苟也

洙曰西嶺即西山也冬夏常積雪鶴曰公在浣花未嘗不繫舟也趙曰公之志每欲南

下今言所泊門外之船乃欲往東吳萬里之

船也漫叟詩話云詩中有拙句不失為奇作若退之逸詩云偶上城南土骨堆共傾春酒兩三杯子美詩云兩箇黃鸝鳴翠柳一行白

鷺上青天是也

藥條藥甲潤青青色過棕亭入草亭
苗滿空山慙取譽根居隙地怯成形

大麥行

大麥乾枯小麥黃婦女行泣夫走藏
東至集

壁西梁洋問誰腰鎌胡與羗豈無蜀兵
三千

人部領辛苦江山長安得如鳥有羽翅
託身

白雲還故鄉夢弼曰黃童謡云小麥青青大麥枯誰當護者婦與姑丈夫何

在西擊胡每句中函問答之詞公是詩句法
蓋原於此鶴曰按集壁梁洋四州屬山南道
又按是年羌渾奴刺寇梁洋等州吐蕃陷成
都此正言吐蕃羌渾奴刺之亂也師曰時杜
鴻漸以蜀兵三千遇賊充突江山險澁士卒
至有介胃生蟻虱而不得休息故云部領辛
苦江山長也

嚴公仲夏枉駕草堂兼携酒饌得寒

竹裏行厨洗玉盤花邊立馬簇金鞍非關使
者徵求急自識將軍禮數寬百年地闢柴門

迥五月江深草閣寒清徤看弄漁舟移白日

老農何有罄交歡

即事鶴曰為舞者作

百寶裝腰帶真珠絡臂鞞笑時花近眼舞罷

錦纏頭洙曰鞞臂衣也以縛左右手於事便也見漢馬后紀注錦纏頭以賞歌舞

者開元時王元寶賞會賓客元寶富於財而

無文采親友問昨日高會有何佳談元寶望

費錦纏頭耳但少年行士集卷八

馬上誰家白面郎臨階下馬坐人床不通姓
字麤豪甚指點銀鉸索酒嘗寧可取此公少

然已不為少。鶴曰：高會市河山嶺云：實空床謂胡床之類也。

嚴公廳宴同詠蜀道畫圖得空字

日臨公館靜畫列地圖雄劔閣星橋北松州

雪嶺東華夷山不斷吳蜀水相通開關古今

畫不足興與煙霞會清樽幸不空夢弼曰：劔閣蜀劔門

言矣閣道也星橋在成都李冰守郡植栢七上應斗魁七星松州在蜀雪嶺冬夏積雪即西山

也

大雨鶴曰：按是年公有說旱上嚴武云：今蜀自十月不雨抵建卯非

雩之時奈久旱何麥者百姓之本百役是出况冬麥黃枯春種不茂公誠能暫輟諸務疏決囚徒使囹圄一空必甘雨大降但沴氣消則和氣應矣

西蜀冬不雪春農尚嗷嗷上天回哀眷朱夏

雲鬱陶執熱乃沸鼎纖絺成緼袍風雷颯萬

里霈澤施蓬蒿敢辭茅葦漏已喜黍豆高三

日無行人二江聲怒號流惡邑里清矧茲遠

江臯荒庭步鶴鶴隱几望波濤沉痾聚藥餌
頓忘所進勞則知潤物功可以貸不毛陰色
靜壠畝勸耕自官曹四鄰出耒耜何必吾家
操希曰寰宇記秦李冰穿二江於成都城中
皆可行舟今謂內江外江是也蜀都賦云
帶二江之雙流故成都有雙流縣趙曰左傳
汾澮流其惡今言大雨流出穢惡邑里為之
清潔也又公以沉痾而得雨涼於是頓忘進
藥之勞矣趙曰言雨潤之功雖不毛之地亦
假貸而生也

○溪漲

當時浣花橋溪水纔尺餘白石明可把水中
有行車秋夏忽汎溢豈唯入吾廬蛟龍亦狼
狽况是鱉與魚茲晨已半落歸路跬步踈馬
嘶未敢動前有深填淤青青屋東麻散亂床
上書不意遠山雨夜來復何如我遊都市間
晚憇必村墟乃知久行客終日思其居趙曰

狼本二獸名半其體相附而行苟失其一則
無據矣故倉皇失據者謂之狼狽音丘弭
切舉一足也荀子云不積跬步無以致
千里田曰漢溝洫志注填淤謂壅泥也

寄高適

鶴曰是年四月代宗即位高適官於蜀召還

楚隔乾坤遠難招病客魂詩名唯我共世事與誰論北闕更新主南星落故園定知相見日爛熳倒芳樽

奉送嚴公入朝十韻

夢弼曰是年四月代宗即位召

嚴武還朝寶應元年秋自成都往綿州至梓州所作

鼎湖瞻望遠象闕憲章新四海猶多難中原憶舊臣與時安反側自昔有經綸感激張天

步從容靜塞塵南圖回羽翮北極捧星辰漏鼓還思晝宮鸞罷轉春空留玉帳術愁殺錦城人閣道通丹地江潭隱白蘋此生那老蜀不死會歸秦公若登台輔臨危莫愛身

趙曰前漢

郊祀志黃帝采首山銅鑄鼎於荆山下鼎既成有龍垂胡翼下迎黃帝帝騎龍以上天故后世因名其處曰鼎湖鶴曰此言肅宗晏駕也夢弼曰周禮縣治象之法于象魏故闕或謂之象闕或謂之魏闕南史何胤曰闕者謂之象魏象者法也魏者當塗而高大貌也鶴曰此言代宗踐祚法度日新也夢弼曰光武紀令反側予自安趙曰唐藝文志有玉帳經

一卷蓋兵書也（夢弼曰）漢典職儀以丹漆地
故稱丹墀（三山老人語錄）子美送嚴武還朝
詩公若登台輔臨危莫愛
身是勸以仗節死義也

送嚴侍郎到綿州同登杜使君江樓

宴得心字

（夢弼曰）是年秋武赴召
東上公送之別於巴西

野興每難盡江樓延賞心歸朝送使節落景
惜登臨稍稍煙集渚微微風動襟重船依淺
瀨輕鳥度層陰檻峻背幽谷窻虛交茂林燈
光散遠近月彩靜高深城擁朝來客天橫醉

後參

落落有
豪氣

窮途衰謝意苦調短長吟此會

共能幾諸孫賢至今

（公自注）杜使
君乃宗人也

不勞朱戶

閉自待白河沈

（師曰）城擁朝來客言滿城擁
送嚴公早間之來也參西方

之宿蜀在西以江樓之高逼於參星也（趙曰）
白河謂銀河也（師曰）不勞閉戶坐待白河之

沈謂天
將曙也

酬別杜二使君書勳密嚴武共許

獨逢堯典日再覩漢官時未效風霜勁空
慙雨露私夜鍾清萬戶曙漏拂千旗並向

殊庭謁俱承別館追斗城憐舊路渦水惜
 歸期峯樹還相伴江雲更對垂試回滄海
 棹莫妬敬亭詩祗是書應寄無志酒共持
 但令心事在未肯鬢毛衰最悵巴山裏清
 猿惱夢思武自注昔會秦關今別巴嶺○
于虞舜作堯典蓋引此謂代宗踐祚也十
道志長安故城形南似南斗北似北斗魏
文帝至譙見弟渦水駐馬書鞭以賦敬亭
在宣城謝眺敬亭詩云此山百里合沓雲
齊獨鶴朝暎飢懸夜啼
行雖紆組得踐幽樓

此字難作
 平聲

奉濟驛重送嚴公四韻

鶴曰奉濟驛在綿州

遠送從此別青山空復情幾時盃重把昨夜

月同行餘情別恨列郡謳歌惜三朝出入榮

江村獨歸處寂寞養殘生感知已之辭○洙

宗朝今代宗即位送梓州李使君之任公自注故陳拾

末有云洙曰拾遺陳子昂當為縣令

段簡收繫憂憤死獄中射洪梓州之

屬縣

籍甚黃丞相能名自穎川近看除刺史還喜
得吾賢五馬何時到雙魚會早傳老思筇竹
杖冬要錦衾眠不作臨歧恨唯聽舉最先火
雲揮汗日山驛醒心泉遇害陳公殞于今蜀
道憐君行射洪縣為我一潸然洙曰漢黃霸
治為天下第一後代丙吉為丞相趙曰漢官
儀太守五馬蓋天子六馬而諸侯五馬也古
樂府客從遠方來遺我雙鯉魚呼兒烹鯉魚
中有尺素書筇竹與錦皆蜀中所出公從李
使君求此二物也洙曰京房
傳舉最當遷徙以課最被舉

并武大苦戰行

苦戰身死馬將軍自云伏波之子孫于戈未
定失壯士使我歎恨傷精魂去年江南討狂
賊臨江把臂難再得別時孤雲今不飛時獨

看雲淚橫臆

鶴曰馬將軍疑是謂馬巴州也

馬伏波矣蓋去年段子璋反陷遂州縣州意
馬巴州領兵會攻之為子璋所勝死於遂州
故是詩云去年江南討狂賊以遂在涪江之
南也又後篇去秋行云遂州城中漢節在遂
州城外巴人稀以此
知其為馬巴州而作

去秋行

去秋涪江木落時臂槍走馬誰家兒到今不
知白骨處部曲有去皆無歸遂州城中漢節
在遂州城外巴人稀戰場冤冤每夜哭空令
野營猛士悲

觀打魚歌

綿州江水之東津魚鱖魚鱖魚色勝銀漁人漾
舟沈大網截江一擁數百鱗衆魚常才盡却

棄赤鯉騰出如有神

賦得事外

潛龍無聲老蛟怒

迴風颯颯吹沙塵饕子左右揮霜刀鱸飛金

盤白雪高徐州秃尾不足憶漢陰槎頭遠遁

逃魴魚肥美知第一既飽驩娛亦蕭瑟君不

見朝來割素鬢咫尺波濤永相失

脩可曰陸機疏魴魚

廣而薄肌肥甜而少肉細鱗之美者也洙曰

陶隱居本草鯉最爲魚中之王形既可愛又

能神變乃至飛越山湖所以琴高乘之秃尾

槎頭皆魚名洙曰漢中鱖魚肥美襄陽禁捕

遂以槎斷水因謂

又觀打魚

蒼江漁子清晨集。設網提綱萬魚急。能者操
舟疾若風。撐突波濤挺。又入小魚脫漏不可
紀。半死半生猶戢戢。大魚傷損皆垂頭。屈強
泥沙有時立。東津觀魚已再來。主人罷鱠還
傾盃。日暮蛟龍改窟穴。山根鱸鮓隨雲雷。干
戈兵革鬪未已。鳳凰麒麟安在哉。吾徒胡為
縱此樂。暴殄天物聖所哀。兩篇皆主愛物此
篇賦得又自在末

依希想
遂成
此
際
不
牙

意不如蕭瑟沉著○定功曰莊子津人之操
舟若神潘安仁西征賦垂餌出入挺義往來
鄭曰屈改作倔渠勿切夢弼曰崔豹古今注
鯉之大者曰鱣鱣之為龍否則點額而
春從河西上得過龍門化為龍居岫間而能
還張平子賦王鮪岫居蓋鮪居山岫間而能
變化故有山根風雷之句也洙曰春秋繁露
曰恩及蟲魚則麒麟至孝經援神鶴曰德至
鳥獸則鳳凰翔希曰善暴殄天物
害虐烝民用此以喻取魚之虐也

集千家註杜工部詩集卷之八

